

# OTHELANA NI OMWALANA



Nrowe nuurame muru ahu vano wa okathi wa mavekelo. Tithi ootepa Oreera murima, hiyo ninnooxukhuruni voosiis'ula mwaha wa oreeriwa nno w'okhala va mw'autitooriyu mu, nirieneene ohoolo yookhumela ya nihiku. Masi khanisuwenle ele nihiku erin'aya, masi ninnimusuwela Ole orina nihiku mmatatani. Tivo hiyo ninvekela wira Owo orina olelo ni meelo, ni Ohimala wothene, anireerihe olelo okathi nithukumann'ahu mwa Nsina Nawe, wira nisuwele oratteene moota w'okhala ni omurumeela Yoowo. Nno p'utthuna wahu wothene, Tithi. Muluku, Ole onsuwela mirima sahu, onnisuwela wira ela ekeekhaii. Hiyo ninnivahererya wa Nyuwo, ni m—mpantte w'ohoolo wa nihiku, mwaha wa muteko Anyu, mu Nsina na Yesu Kristu. Amen.

Mukilaathiki.

<sup>2</sup> [Munna Branham onlavula ni mutthu vaplataforma—Mol.] Kooxukhuru. Mukina ola va.

<sup>3</sup> Mooxeleliwa, muthukumano onooneya ni muthukumano ohinooneya mulaponi mothene weiwo nirin'ahu olikariwa wa telefooni voosiis'ula. Ela ennivaha oreeriwa wuulupale orwa va ni olavula voosiis'ula mwah'ola w'ekumi. Wa muthukumano onooneya, ti yootikiniha vakhani, okhala wira wiitho waka sookhala ikurtiina, vano kihaana olavulela moonoo woolopwana ni woothiyana. Ni wa muthukumano ohinooneya, kookhalana autitooriyu moonoo aka woolopwana, ni exinaasiyu moonoo aka woothiyana; nto miyo kiri vathi, ni ikurtiina soohuliwa eriyari, sikkhalaka moonoo aka woolopwana ni woothiyana. Ni nookhalana ootepa waatta, voosiis'ula, mw'autitooriyu, nave-tho muxinaasiyu, nave-tho ekereja, ekereja Ephiro Thanu na tthaaru ni Penn. Ni mapuro ootepa waattiwa, esisteema ya telefooni enniroiha mapuro makina.

<sup>4</sup> Naahikkhalana okathi muulupalexa mwa Apwiya, ni nookhalana nwehereryo muulupale wa mutek'ola voosiis'ula. Nto vano ohiy'ula ory'aya okathi w'omalaha ekampaanya ela ya mahiku maxexe, vano, vekeekhai ninaalattula athu othene, anwerya, wira ekhale va. Hiyo ninnirromela wira Apwiya anoonivaha mwaattelo muulupale ohiy'ula yiraka ethu yootepexa othamaleya, vowira Awo yaavonihe aretta othene ni wira ithu suulupale Awo anirakaaya voolimaleleya. Ni ninniwehererya vanci-ene y'ohiyu. Athu t'olattuliwa v'ophenta, athu othene, khula ekereja ya khula muromolelo. Khivanthuneya hata okhala muKristu; hiyo vekeekhai niniwiihana anatampi wira erwe, ekilaathi eriyari ahu. Ni hiyo

niniira vooreerexa sinwery'ahu wira niwiixuttihe ele ekhanle ephiro y'Apwiya, wira nikhale akumi.

<sup>5</sup> Vano kinroromela wira muthukumano khunrowa onanariwa. Ni kimmuroromela Muluku wira kinkhala oowuukhuwa, okhala wira kaahikhalana ohiyu wowinnuwexa, wuukhuwa wunci-ene. Okhala wira miyo koosuwela wira itthu kinihimy'aka voosiis'ula kinookhala oowaakhula Nihiku n'Olamuliwa, ni nka—nkaawenrye orupa, ni koosuwela wira kaahihimye—ru seiyo eyo enookhalihwiya ya nthowa ni miyo Nihiku n'Olamuliwa. Tivo enkhal'aya yoolipa, khivanweryaneya otaphuleliwa.

<sup>6</sup> Nto vano voosiis'ula ti mwah'ole muulupale nry'ahu wira nivaanele mwaha wa *Othelana Ni Omwalana*. Nto mwaha aya kikhalihaly'aka exikola ya Ttiminku, yaari wira niwerye olavula yeeyo ni nihaakuvaka, ohiya olaleya mwaha wa yeeyo. Owo mwiixuttiho wa Soolempwa.

<sup>7</sup> Nto ki—kinthuna kihimye wira, akhala murumeyi wala arumeyi, khula nipuro, vairaneya efiita ela ophiya mmatatani mwaha, nakumiherya—ru efiita ela . . . nkisuwenle etthu ekereja enrowaaya wira mwaha wa yeela. Kimmuvekela Munna Fred wira aakohe nikhuru na maatiministratoore a ekereja owo ahinatthi okumiherya efiita ela. Ni nyuwo atthu mulaponi mothene, murina ikaravatooro sitthukuliwe, xontte muhihiye efiita okhuma ehikhanle wira murootthuniheriwa ni Munna Sothmann wa yeeyo.

<sup>8</sup> Vano, nto yakumiheriwa vale, ni khula mmosa w'axinna aka arumeyi, wala khula muKristu nipuro pi nipuro, onrowa ovaanyiha itthu sinrowaaka ohimya sa mwaha yoola, miyo—miyo kinroromela wira khamunuulumela Yoola. Mwaahiiwe saana Yoola enamuna miyo kiniixuttihaaka Yoola, ahe, mookhalana ehaakhi wa yeeyo, ntoko murumeyi, ntoko mukukhula. Ni miyo kinnittittimiha etthu p'itthu nyuwo munaamini anyu.

<sup>9</sup> Ni sookhala miyuupuwelo miili suulupale sa yeela. Nto sakhala sookoha piili, emosa aya ehaana okhala yoolikana, ahiiso khiivo hata emosa eri yoolikana. Tivo ninrowa wehererya ororomela Masu a Muluku, voosiis'ula, wira nilakiherye yeela. Wa miyo, yakhala yookoha ya Bibilia, vekeekhai Bibilia ohaana waakhula waya.

<sup>10</sup> Nto vano naanaanoru nihinatthi okhalana seiya, opacerya mwah'ola, kiireke, kihinatthi ovekela mwaha wa Masu, kintthuna koohimeeryeni khula mmosa a nyuwo wira miyo . . . nyuwo aKristu vanci-enexa, wira miyo kintthuna . . . miyo—miyo kintthuna wira mukivekelele voosiis'ula. Ni othene vamuthukumanoni ohinooneya muniiwa voosiis'ula, mukivekelele, okhala wira kintthuna kikhale naxariya ni oororomeleya.

<sup>11</sup> Vano ninnisuwela wira, naahimyaka soohimya iya, wira mutthu, hata mutthu mmosa paahi, onoorowa ovarelela Yeela ntoko wira ori eriyari ya ekumi ni okhwa. Aakhala anci-ene a nyuwo va anrowa okhuma yaaminiki. Vekeekhai, anci-ene a nyuwo, khino, khanrowa. Masi miyo koosuwela, mmutekoni mwaka, aakhala atthu anrwa okiwa, ni wiiwa ele erin'aka ohimya; ya, ahe, awo akilanthé vaava voosiis'ula, mulaponi mothene, a mapuro manci-ene a Estadu Unidu, Canada, ni ilapo s'okhopela. Nto nyuwo munoowerya otthokelela wuukhuwa onooruhel'ayani, osuwela wira makiseryo Oohimala a mutthu uwo aheliwe mmatatani mwanyu, 'okhala wira owo onrowa ovarelela ele munihimy'anyu. Tivo Muluku aamurowa okaakhuliha mwaha wa yeela, ni kinthuna kilavule yoola vaxariya-vo ntoko sinwery'aka.

<sup>12</sup> Vano ki—kinaavekela axinn'ihu athiyana. Ni koorukunxa moolumo aka kamosa-kamosa wira kiwerye olavula ohoolo waya. Billy ookhalana mpoolosani mwawe, voosiis'ula, vale, itthu kamosa-kamosa sahaaweryaneya ohimmwa ohoolo wa mu—muthukumano wootakanxeya. Ni sikina alakela sinrowaaka ohimya, nyuwo muhaana wiiwa saana. Mukuxe ntoko ekhumme—ekhumme wa munn'inyu, vooreerexa kinsuwel'aka. Nyuwo mwaamurowa okilaathi muskritooryu mwa meetiku n'umwiiwelela yoowo, owo aahaana woohimeeryani moolumo voothithepya. Ni amosa-amosa wa nyuwo aximwali n'aximiravo, nkinthuna wira mukhalane moonelo woovonyeya. Kintthuna wira mwaamini, ni mukilaathi mmaale. Muupuwele, Ekeekhai ehaana ohimmwa Ekeekhai.

<sup>13</sup> Nto, vano, vekeekhai anookhala anci-ene a nyuwo anrowa ovaanyiha ele enihalela ohimmwa, masi kintthuna kiwooniheryeni ni Bibilia. Vano nto miyo kookupali, nyuwo mwakhalaru oottittimiha ni wiiwa, nto munookhalana mwiiwelo wooloka ni muupuwelo wa etthu enikhomakelakaaka, okathi wothene. Kookupali wira ela enootaphulela, ni kinroromela wira enimwiira.

<sup>14</sup> Vano hiyo pooti opisa vakhani, ewoora emosa ni nuusu, wala khino ovikana, mwa yeela. Nkisuwenle okathi xeeni onrowaaya okuxa.

<sup>15</sup> Nto vano-tho, kaatthuna kihimye wira, okathi ula, wira, kisuwelaka wira atthu annivarelela moolumo anyu; awo annimuvarelela, pastore aya. Ni, vekeekhai, miyo kinnikhala pastore.

<sup>16</sup> Ni awo annivarelela moolumo a pastore, vekeekhai ntoko wira ari eriyari ya okhwa ni ekumi. Awo annivarelela moolumo a namukuttho aya, vekeekhai ntoko okhwa ni ekumi. Ni vekeekhai, pastore, khino ni sothene owo onsuwel'awe moota wo wira, owo oniwiixuttiha atthu awe siiso ntoko

siixuttihiwaawe oseminaariyu; vekeekhai namukuttho, nave, mwa itiini soovirikana sirina anamukuttho. Vekeekhai, pastore vekeekhai namukuttho; owo mulipa-oolapelela. Tivo, vakhala wira namukuttho, mwa sothene siniixuttihiwaawe mwa yawawe, museminaariyu ni imosteeru, mulopwan'owo ni exariya ya muhina onihimya siiso yeele iixuttihiwaawe.

<sup>17</sup> Ahe, nto, miyo nkirina hata musuwelelo w'oseminaariyu wala musuwelelo w'omosteeru, ni hat'etthu ya nthowa wa yeeyo nnakhala, masi kirina makhalelo oomeekhasaana.

<sup>18</sup> Miyo kiihaniwe okathi waary'aka mwanamwane mwaamukhaani paahi. Nto mwa yeela kaahivahiwa, ethoonyeryo yoowooneya ni yoowiiweya, n—Nlumi na Mooro niithomeiye vanikukhuni, kirineene iyaakha thanu na piili, weno nno oUtika Pike. Atithi aka yaamuvarela muteko Mwenye O. H. Wathen omanle okhwa naanaano. Ni nyuma moosoma eliiivuru, moomusuwela wahala ene. Nto okhuma okathi yoowo. . . Omuro nto Nlo naahikhumelela voowooneya ohoolo w'atthu. Nto vano Nlo nootthuniherya elatarato aya okumiheriwa, imaara sinci-ene, ni ethomeiwe oWashington, DC, ntoko ihaakhi sa mwaneene, Musaala mwa Miteko sa Etiini, ntoko Ookhala mmosa oovikana soopattuxiwa otonko wooniheriwa ni siyensiya okumihiwa elatarato; Nlumi na Mooro nenlo, oratteene ni mukhalelo mmosaru ni khula enamuna, nenlo naamukumihale Isarayeli wEjitu. Kinnaamini wira Nlo ti Yesu Kristu mwa mukhalelo wa Eroho, mwa Omwaana wa Muluku.

<sup>19</sup> Maana Owo iihaniwa “Mwaana a mutthu” okathi Owo orwiiyaawe emaara yoopacerya, vano Owo oniihaniwa “Mwaana a Muluku,” oMileeniyu Owo onrowa okhala “Mwaana a Davidi.” Owo aarwiiye Mwaana a mutthu, Profeta, ntoko saahimmw'aya sa Yoowo; vano Owo Mwaana a Muluku, mwa ovikana soopattuxiwa; oMileeniyu wuulupale onihalela orwa, Owo onrowa okhala Mwaana a Davidi, okilanthene veehicieni va Davidi. Ntoko anammusoma Bibilia othene ansuwel'aya wira owo natiri a Muluku ni Muluku, wa Davidi, Owo aamurowa onvenxa Mwan'awe wira akilaathi veehicieni vawe.

<sup>20</sup> Nto vano mwa muteko, wootikiniha ni w'omeekha, miyo kinniihaniwaka sothene opacerya “Muluku” mpakha “xetwani.” Ni eyo, kweekwe enkhala siiso tu.

<sup>21</sup> Eyo t'ile pixipu ula muulupale a ekereja Katolika aakihimenry'awe ohiyu uwo vale, ovaanyihana waari, wira owo iirale, “Munna Branham, Yohani Mpatisa voowooneya aahiisuwanyeiha mmansawe mwa Soolempwa, ntoko saahimmwaly'aya ni profeta Yesaya.” Owo khwira, “Muteko anyu ti woosuwanyeihiwa voowooneya Mukereja.” Owo khwira, “aLuteraano ari mBibiliani.” Owo khwira, “aLuteraano yaahimusuwela Lutero. aWesley animusuwela Wesley. Masi

ankhi aPentekosite?” Khwira, “Awo animweettasa. Awo khansuwela otthu w’orowa-wo.”

Nto miyo khwira, “Mwenye, miyo kinnixukhurela yeeyo.”

<sup>22</sup> Ni waari okathi yoowo Eroho yaamukhuruwenly’aya muhano, ahaatonko okoona, mwaar’awe...khulavula ni khusuwanyeiha itthu imosaru.

<sup>23</sup> Vano, wo okhala naxariya, ohoolo wa Mutthak’ola miyo onlavul’aka voosiis’ula, miyo nkisuwenle. Miyo khimuleela, miyo khwira, “Mwenye, nkaakhanle ohimyaka yeeyo. Eyo etthu yuulupale ohimya. Enkhala ntoko yeeyo.”

<sup>24</sup> Etthu emosa ensuwel’aka, wira yookhala etthu ekhumelenle, voomalela. Itthu iya sothene, paahi, sinnooniheriwa ni siyensiya, ni sinnooniheriwa imaara sinci-ene mulaponi mothene, khasikhanle okhalaka ethale paahi. Eyo Ekeekhaii. Exeeni iyo? Mukihiye kiire, voohimya wene, kihinatthi olavula ni nyuwo voosiis’ula, miyo nkisuwenle. Ni nkaarowa weererya opaka etthu mpakha kiiwe ekhumaka wa Yoowo wira olavunle ni miyo khalayi khukileela itthu iya.

<sup>25</sup> Muupuwele, Pwiya’ahu Yesu Kristu khanaisuwanyeiheke Mmansawe ntoko Mwaana a Muluku. Owo iirale, “Nyuwo moohimya wira Miyo ka yoowo; Miyo kiyareliwe yeeyo,” ni siiso, masi Owo khanaisuwanyeiheke Mmansawe.

<sup>26</sup> Nto, vano, nle naari Nlumi na Mooro naaweettihale aana a Isarayeli, aari Pwiya Yesu Kristu mwa mukhalelo wa Eroho, (nyuwo munnaamini yeeyo?), Logos yaakhumme wa Muluku. [Muthukumano wiirale, “Amen.”—Mol.]

<sup>27</sup> Vano nto okathi Owo aary’awe elapo ya vathi, Owo iirale, “Miyo kikhumme wa Muluku, ni kinrowa wa Muluku.” Hiyo othene noosuwela eyo.

<sup>28</sup> Nto numala okhwa Wawe, ovithiwa, ni ohihimuwa: Saulo a oTarsu arowaka oTamasiku, waalupattha a—aKristu, okhala wira awo yiixuttiha itthu saari soovirikana n’iye ale yaaxuttihiwaaya. Vano owo aari nakhotto muulupale; oorummwa ni Kamaliyeli, mmosa wa axuttihi oosuweliwa a mahiku ale, muxikola mwaya, mmosteeru mwaya; ni mutthu muulupale, ni humu a mukereja. Ni waari vaavo Waarya iwe wuulupale, Nlumi na Mooro tho, naammoronxaaya, eriyari ya nihiku. Nto Nsu nimosas khwira, “Saulo, Saulo, munikilupatthelani?”

<sup>29</sup> Vano nyuwo mwawehe vale okathi Paulo, Saulo, ovenny’awe, owo iirale, “Pwiya, Nyuwo mw’Ani?” Vano, mmirav’owo, ary’ene muYuta, owo vekeekhai khaarowa wiihana etthu p’itthu, vahikhanke wira yaari etthu yaamuthoonyerya Muluku, owo khaarowa wiihana eyo “Pwiya.” Tivo, Nlo naari Nlumi na Mooro nenle.

30 Ntoko Yesu ohimaly'awe, "Miyo kinrowa wa Muluku. Kikhumme wa Muluku, ni kintthikela wa Muluku."

31 Owo aari vale, athhikelaka-tho mukhalelo wa Nlumi na Mooro; Owo khwira, "Miyo ka Yesu Yoowo munimulupath'anyu; ni wa nyuwo ti yoorika ohiiwelela ele enoovahani ikuru."

32 Ni hiyo ninnisuwela wira okathi Murummwa Petru, yoowo aavahiwe ihulelo wira ateke Ekereja, ninnoona wira owo aari mukhatteya, ni Nlumi nenla na Mooro khuvira mmuwaleloni, khuhula mikhora sa mukhatteya, khimukumiha Petru, vootikiniha-vo, woohimuhaaxa hata mulipa-oolipelela. Wa miyo, Owo ti Yesu Kristu mmosaru nsana, olelo, ni mahiku othene.

33 Vano nto okathi wothene munoosuwela etthu p'itthu ni mukhalelo aya. Etthu p'itthu ensuweliwa ni mukhalelo aya, muhokorokho oniim'aya. Nto miyo kinoovekelani wira nweheke muthinto wa muhokorokho Owo oniim'aya, Waarya nno okhanle Muluku, okhala wira Owo kweekwe ontthikela mwa Masu a Muluku, ni onooniherya Masu a Muluku, onlaleya Masu a Muluku, ni Muluku onnooniherya Masu awo voowooneya siiso ohoolo wanyu. Ehaana okhala etthu ottuli Waya.

34 Aththu anikiihanaka profeta. Miyo nkiniisiihana profeta, okhala wira nkaakhanle weereryaka ohimya yeeyo, masi kihaana. . . Mwiiwe, kinoowerya ohimya ela, wira Apwiya annikitthuniheryaka woona itthu khalayi ene, ohimya itthu sikhumelenle, sinrowa okhumelela, sinkhumelela, ni khiivo emaara emosa etonko aya ovonyeya, imaara ikonto miloko sene. Itthu sothene Awo yaahimaly'aya wira saamwiiraneya, sihiiraneya. Hiyo othene noosuwela eyo. Vakhala wira ookhala mutthu vamuthukumanoni va onooneya voosiis'ula, wala nipuro pi nipuro, onwerya ohimya emaara emosa wira yootoko ovonyeya, nyuwo muri ootaphuwa wira nvenye muhimye siiso. Masi vakhala wira aththu othene annisuwela wira khula okathi, wa imaara ikonto sene, enikhalaka oratteene voolikana, yiire, "amen." [Muthukumano oniira, "Amen!"—Mol.] Munnona? Siiso yaarowa okhala etthu emosaru mulaponi mothene.

35 Yookhala etthu ehanle okhumelela. Muluku khonarumiheke itthu iya vahikhanle etthunelo ottuli waya.

36 Miyo kaamuupuwela paahi va. Miyo kiroohela va, emosa wa sookweretha saka. Wira koowara voosiis'ula, ipitawu sa mmatatani. . . Ni anci-ne a nyuwo muhiwa sa muratti ula a esineema, Jane Russell, ni ame awe a muPentekosite; ni Danny Henry ti murokor'awe, murokor'awe oopacerya, mwaana a munn'aya ame awe. Owo aari muPatista. Owo aaphwanyaneya vamuthukumanoni, muthukumano w'Alipa a Nakoso oLos Angeles, California, iyaakha piili sivinre.

37 Nto miyo kammalaru olavula soohimya, suulupale, soowerya ni sa ikuru, seiyo hata mulipa-ooweetiherya, mmosa w'alipa-

ooweetiherya sothene a Asempeloya de Deus, khukhuruwela vaplataforma okhuma mukaleriya osulu owo aakilaathaly'awe, vano owo khwira, "Nkinikupali wira Munna Branham ohimnye yeeyo voolakela."

<sup>38</sup> Miyo khwira, "Kihaana ohimya, mulopwana. Eyo ti SIISO ANIHIMYA T'APWIYA." Nto, vano, yaari mwaha wa ekereja okathi ula.

<sup>39</sup> Nto okathi ene yoole, mmirav'ola okhanle mulipa a nakoso...Munn'awe ori vasulu...owo aari vaavale akumihaka ilatarato sa televisawu voosiisu yoole, munn'awe mukina ti—ti mukhulupale a irampha sa estaatu sa oCalifornia. Nto Danny Henry khurwa ohoolo vamanly'aya muthukumano, vaplataforma, ntoko sa, vaavo axilopwana othene yaakilaathans'aya, khukhuruwa wira akipatikhe. Nto owo khuhimya moolumo ala, "Munna Branham, kinroromela wira ela kheniiweya ntoko oveeha, masi," khwira, "eyo vaamuweryaneya okhala ekapiitulu 23 ya Wiisuupulula." Yeeyo, sikhany'aya ikapiitulu miloko miili paahi mwa Wiisuupulula. Owo khwira, "Kinroromela wira ela kheniiweya ntoko oveeha." Owo amalakarū ohimya yeela...Vano, mmirav'owo aari muPatista, ni khaasuwela hat'etthu ya erimu. Ni miyoono sawe okipwehenyeene, owo khupacerya olavula elavulelo yoohisuweliwa.

<sup>40</sup> Nto vamanly'awe olavula elavulelo yoohisuweliwa, aahikhala mu—muthiyana mmosa, a mwiitti ooriipa aakilanthe ohoolo waka, owo khuyenya, khwira, "Khivantthuneya hata otaphuleliwa." Owo khwira, "Miyo ka a oShreverport, Louisiana, ahiiso, Baton Rouge, Louisiana." Khwira, "Eyo eFransa voowiiweya."

<sup>41</sup> Victor Le Doux, yoowo okhanle muFransa, okilanthene vaavale nave, khwira, "Vekeekhai, miyo ki muFransa, nto yaari eFransa yoolikana."

<sup>42</sup> Miyo khwira, "Mulipelele minuutu mmosa. *Nyuwo* mulepe ele ohimmy'awe, ni *nyuwo* mulepe ele ohimmy'awe, muhinatthi ohimya hat'etthu. Mulepe ehimmy'awe, nto munihye noone soolepa sanyu." Nto siiso mmosa khulepa, ni mukina khulepa, hata omaliherya waya waamulikana.

<sup>43</sup> Vano nto okathi ene yoowo, varuuhaly'aya soolepa sene, mmiravo mmosa, a maihi ootteela a mukhalelo wooreera khurwa akhumaka ottuli. Vaavo, vahaakhanle opuro woophiyerya wira owo akilaathi; owo aarimweemela ottuli. Owo khurwa ohoolo, khwira, "Minuutu mmosa paahi, kaanittuna ohelela yoolepa emosa, nave." Owo khwira, "Miyo ka mulipa-ootaphulela eFransa a U.N., Wiiraana wa Ilapo." Owo khwira, "Kaatthuna kihye yoolep'aka."

<sup>44</sup> Nto, va, soolepa tthaaru sothene soolikana vamosaru, s'eFransa. Nto va eri enamuna enisommwaaya. Iya ti soolepa

soolikana saakwerethiwe, yoolepa yookwerethiwa naanaanoru. Ela ti yoolepa ya Danny, mwaneene, owo aakuxaly'awe mpoolosani mwawe. Vekeekhai, eyo yaahikela mw'Alipa a Nakoso aKristu, ni sikina.

*Okhala wira muthanlale ephiro yoorika, ephiro yoolipaxa; munneetta muttharaka othanla wanyu.*

*Mukuxale etthunelo yooloka ni yoothuneya, n'iyu Ephiro Aka.*

*Mwaha w'etthunelo yeela yuulupalexa, ekapatti yuulupale ya Wirimu enoorowa woolipelelani.*

*Etthunelo xeeni yoovuwexa mwiiraly'anyu!*

*Yeela mmansaya t'enrowa ovaha ni enrowa omaliherya oxintta wuulupale moophentani mwa Muluku.*

<sup>45</sup> Vano, mulopwan'owo khulepa nsina nawe va. "Yoothimya eri osulu etaphuleliwe ni . . . ya Danny Henry ohimya v'eprofeta mwaha wa Munna Branham, evahiwe ni anamoona araru orestaurante oLos Angeles, California."

<sup>46</sup> Vano, mmiravo yoola aahimale y'eprofeta ela, ahisuwelaka etthu aahimya'awe, aari oYerusalemu mweeri woophiyaka mmosa ovinre. Owo aahikhalana oreeriwa w'orowa ni—ni wummaathi vamahiye vaavo Yesu aakhwiw'awe khuvithiwa. Nto siiso owo ammaathale-ene vaavale, owo ohimye wira miyo kaahirwa mmuupuweloni mwawe nto owo khupacerya wunla. Khwira, "Moota enkhalak'aya yoolipa Munna Branham okhala avirikanyaka olumwenku ni itthu iya, ni ikereja sothene!"

<sup>47</sup> Ntoko yaahi—yaahimmwaly'aya emasa mwaha wa mmosa a nikhuru na Billy Graham, khwiriwa, "Hiyo ninniweriya omwiiwa saana Billy Graham, 'okhala wira ikereja sothene sivaranne vamosa ni yoowo. Ninnimwiiwa saana Oral Roberts, aPentekosite. Masi ninkhalana sayi etthu p'itthu, Eyo ekhanleene yoovirikana n'ile atthu yiixuttihiwaaya?" Ti Muluku.

<sup>48</sup> Nto, Danny, etthu eniir'awe ntoko otthekula, owo ontthokiha maluku makhaani. Owo aaroorowa mpakha nipuro Mwiikimanyo waaheliwaaya-vo, vaavo yaahimmw'aya wira Mwiikimanyo waalimpe vamwala. Khaavo aari vakhiviru, tivo owo aahipwexa nipattuuxa nikhani na mwala khuhela mpoolosani mwawe ntoko eyuupuxeryo, khurwa owaani khukupakela ipitawu piili ni nenlo. Ni, vootikiniha-vo, vapakaly'awe, saakhala wira saahikhalana malepa a ephome. Ni naanaanoru mwa khula emosa ya seiyo, voohihiyererya, enivira ephiro yoophunyeya ni yoowookowa mwa seiyo soopiili. Vano eyo pooti okhala paahi e . . . Moone, mutthu mukina khino khonoona eyo, masi wa miyo eyo ti yoomaleliha itthu kinaamini aka. Miyo kinnaamini wira sothene sookhala maana mwa yeeyo.



49 Nto vano, okathi ula, etthu p'itthu Apwiya arin'aya... Ela yaahikhale etthu Awo yaahimaly'aya, ya Malakhiya 4 nave-tho ya Luka 17, ni Soolempwa sinci-ene sikina siri wira sikhumelele nihiku nla nookiserya, mukitthuniherye kihimye yeela kaamalihaka, owo mulipiheryo wa mutthu okathi onrw'awe. Tivo miyo nkireere oxukhuru wira Muluku Oowerya sothene, yakhala wira ti siiso, okitthuniherya wira etthu yaamukhaani, mwa enamuna aka y'ohisoma, wira kooniherye ettittimihelo aka ya ophenta Wawe wa miyo, omphenta waka Yoowo, ni waaphenta wahu atthu.

50 Tivo, mwa exariya, kinaattamel'aka mwah'ola wa *Othelana Ni Omwalana*. Muluku animorele ikharari hiyo othene.

51 Nto vano nwiriyane oratteene. Nto, axinna athiyana, muhivenye munakhuma; mukilaathi mmaale okathi vakhani paahi. Axinna alopwana, mwiire siiso. Muhitthuke ikaruma sanyu sinruma iwo, munikela moolikarini mu. Muhiire siiso. Mukilaathi paahi mmaale minuutu vakhani, mpakha emale. Nwiriyane oratteene. Nyuwo mwaavaanyihaka vale, mulepeke Soolempwa kinrumeel'aka, vano nto musome Seiyo ni mavekelo muhinatthi wira ethanlelo anyu.

Muluku, anikhaliherye okathi omphavel'ahu waattamela mwah'ola.

52 Vano, pooti okhala woolekela vakhani. Miyo nkinthuna wira mukhale oowaakuva hata vakhani. Nirumeele okathi paahi, othene ahu, ni nisome Masu a Muluku, voororomeleya ni voomalala, siiso ntoko sinsuwel'ahu osoma Yaawo.

53 Nrowe nipacerye ni Matewu Oowaarya, kapiitulu 19. Ni opacerya, kinoona wira, eversiikulu 8 ya kapiitulu 19, kaatthuna kipacerye. Kaamuwerya opacerya nave eversiikulu 1, n'usoma mpakha 8 ya kapiitulu 19.

54 Vano, muupuwele, itthu iya kinihimy'aka sihaana orwa okhuma mwa Masu a Muluku. Khasikhanle okhalaka muupuwelelo aka, 'okhala wira muupuwelelo aka onoolikana ni wa mutthu mukina tu. Masi ehaana okhala vookelela ohoolo ni Masu a Muluku. Muupuwele, Muluku onikhaliha sothene vookelela ohoolo. Owo khonrukunuwa. Owo mmosaru nsana, olelo, ni mahiku othene. Munnaamini yeeyo? [Muthukumano oniira, "Amen."—Mol.] Owo mmosaru.

55 Vano kinrowa osoma kapiitulu 19.

*Vaahiiraneya, okathi Yesu vaamanly'awe olavula myaha seiya, aahivenya oKalileya, arowaka muttetthe w'o Yuteya wa ekhopela ya muro Yordani;*

*Muttitthi w'atthu waanimutthara; nave weiwo aahaapenuxa. . .*

*Afarisi yaahirowa okumana n'uwo, enamweererya, . . .*

56 Kineemela vaavo wira mphwanye olupihereya wa yaari ani ale yaamwehererya Yoowo.

*...emwiirelaka, Vannireerela mulopwana omwalana ni mwaar'awe mwaha w'etthu p'itthu?*

*Vano owo aahaakhula khuwiirela, Nyuwo moosoma khuluwi, wira ole aapattuxale woopaceryani aampakale mulopwana ni muthiyana,*

*Ni khwira, Tivo mulopwana onimwaahiya atithi awe...ame awe, wira aphitaane ni mwaar'awe: ni oowaili aya enakhala mutthu mmosa paahi?*

*Siiso awo khahiyo-tho aili, masi mutthu mmosa paahi. Tivo ele Muluku ephitanyalyawe, mutthu ahimwalanyihe.*

*Awo yaahimwiirela-tho wira, Xeeni Moise ohalaka oruma wira avahiweke epaphelo y'omwalana, ni... khuyamwalana?*

*Vano Owo aahiwiirela wira, Moise mwaha w'olipa wanyu murima t'otthunihenryaweni omwalana n'axaar'inyu: masi wopaceryani khayaari siiso.*

Vano, Muluku, anikhaliherye.

57 Yoolempwa ela, yookoha ela, yaahikhumelela wa Yesu wopaceryani wene wa muteko Awe. Ni yaahikhumelela wa Moise wopaceryani wene wa muteko awe. Eyo ti yookoha yoopacerya mmurimani mw'alipa-oowaamini. Natampi khenimucala. Masi ti y'alipa-oowaamini, okhala wira mulipa-oowaamini omphavela wira sothene onsuwel'awe moota wo wira wii akhaleke saana ohoolo wa Muluku. Tivo ela, khula yookoha enikhumelela mwaha w'etiini, vano mwaha wa *Othelana Ni Omwalana* onookhumelela. Mwaha wa xeeni? Okhala wira t'okhumelelinhe etampi y'ephattu. Ti vaavo etampi epacery'aya-vo. Nto mwaha wa yeeyo owo onihimmw'aya khula okathi, okhala wira ti epacerelo ene y'etampi.

58 Vano nkinrowa okhalana okathi w'otaphulela itthu iya sothene, masi kinootteeliwa murima waakhula ipaphelo sanyu wala etthu p'itthu enwery'aka. Wala, nookhalana iliivuru silempwe sa yeela, ni sookoha sinci-ene, hata ipante sa ixornaale ni itthu va, wira sooniherye yeela, hiyo noosuwela wira aari Hawa (Masa anihimmwa wira owo t'akhuuraly'awe, yeeyo ehikhanle hata Yoolempwa, vano enihimmwa wira aari tamaasiku; khayaari hata emosa wa seiyo.), owo aarooraruwa, yaamuyanre mwaana oopacerya, aari Kayini, mwaana a Satana mwaneene, maana mwa yoowo waari otakhala. Eyo kheruule ni Apeli. Mwaana a Satana aari Kayini.

59 Koomuwela yookoha anyu vano, "Hawa iirale, 'Koomuphwanya mulopwana w'Apwiya.'" Eyo ekeekhai voolikana.

<sup>60</sup> Mwaamuwerya omukuxa muthiyana ootakhalexa a mpooma, mulopwana ootakhalexa; awo yaakhalanne-ru mwaana, aahaana okhuma w'Apwiya, okhala wira Muluku ookhaliha malamulo. Nto malamulo ala, ntoko wira nsuwa nivenye; muhele ekhuukwa mmatta mooreera, enimunnuwa. Nto ehaana wunnuwa, okhala wira nlamulo na Muluku. Epyo yaaliwa vale, ehaana wunnuwa. Ni khiivo etthu enwerya okhaliha ekumi woohikhala Muluku, okhala wira enivara muteko mwaha wa malamulo Awe. Tivo okathi epyo yootakhala yaaliwaaya mmirimani mwa—mwa Hawa, yaahaana oyara, okhala wira ti nlamulo na Muluku na oyariha. Ni khayaakhanle wiiraka etthu ekina woohikhala oyara, ni yaahaana orwa ekhumaka wa Muluku.

<sup>61</sup> Mwaha wa yeeyo atthu aniiir'aya, "Attuutthu," imaara sikina, "ahiyariwe n'axitiithi aKristu, aapweteya."

<sup>62</sup> Ephome ya Yesu Kristu ennilivela mwaha wa mwaana, nkincala moota oyariwaawe ni mw'etakhalelo xeeni oyariwaawe-mo. Owo ti Mwaapwittipwitthi a Muluku ontipihla sootheka s'atthu. Mwaana mwaamukhaani khokhanle orukunxaka murima, okhala wira owo khorina etthu wira arukunxe murima mwaha wa yeeyo, nto eyo yaari etampi ya molumwenkuni ettipihwe ni Ephome ya Kristu. Attuutthu anoorowa Wirimu.

<sup>63</sup> Ti etampi y'ephattu, nto mwaha wa yeeyo eni—enikoheriwaaya. Okathi yookhumelela yuulupale enrwaaya okhuma wa Muluku, emosa wa itthu soopacerya: "Ankhi othelana ni omwalana?" Vano, ntoko kweekwe, eyo nlelo ti yookoha eriyari y'atthu. Ntoko yaary'aya okathi wa Yesu, ntoko yaary'aya okathi wa Moise, kweekwe enikhala siiso, ni ti siiso mpakha olelo, yookoha eriyari y'atthu, okhala wira atthu anthuna osuwela ele ekhanle Ekeekhai.

<sup>64</sup> Masi vari yookoha, ohaana okhala waakhula nave. Nto vano ekhalaka yo waakhula, ntoko sihimmy'aka khalayi, esuman'ela, ohaana okhala waakhula woolikana. Nto hiyo naakhela waakhula w'etthu p'itthu, ni eyo—yaahilikane, vano ninoosuwela wira yaahivonyeya. Masi yookhala, nyuwo nlelo mwaamukoha mpakha yookoha y'ekeekhai waakhuliwa, mwaatthunaka osuwela Ekeekhai. Nto ela okhalaka wira ti yookoha ya Bibilia, yaahaana okhala waakhula wa Bibilia.

<sup>65</sup> Eri ntoko sihimaly'aka, kaatthunne-ru orowa onikhuma nsuwa voosiis'ula, ni mwa enamuna yoolokaxa kaarowaaka osuwela, kaahaana ophwanya etthu vanlakani, ni yaarowa okhala oratteene epantte onkhuma nsuwa, nto kaamurowa onkhuma nsuwa. Mutthu ahimya vale, "Munna Branham, onikhuma nsuwa ti *nno*." Ti onikhuma nsuwa, vooweryaneya, masi ti onkela ephayo. Kaamuvikana ekaruma ene yeeyo kaaphavel'aka; kaamutthika, kisuwelaka wira yaahivonyeya.

Vano nto mutthu ahimya wira, “Munna Branham, murowe epantt’ila nno, moonoo anyu woolopwana.” Vano, vooveryaneya iwo ti onikhuma nsuwa, nave, masi okuusini. Yaamukirimeela ekaruma kaaphavel’aka, okhala wira kiroorowa ovikana mikaano sa ephiro yoolikana ni yoowookowa.

<sup>66</sup> Vano, eyo yakhala siiso, nookhalana inamuna piili sa wuupuwela sa *Othelana Ni Omwalana*. Nto eyo ti wii, emosa aya enihimya, wira, “Mulopwana onoowerya othela emaara emosa paahi, vaahikhale wira amwaar’awe arimookhwa.” Nto owo ti mmosa wa myaha, masi, mwarowa muttharaka yeeyo, munoovikana ephiro yooloka. Vano nto ekina eniira, “Oh, mwaara wala iya, mmosa aya, araruwa-ru, khula mmosa pooti omwalaniwa khuthela wala otheliwa-tho.” Muniphwanyaneya nvikanaka ephiro yooloka ni yeeyo.

<sup>67</sup> Tivo, moone, khuhiyo okuusini nnakhala onkela epheyo; hiyo ninthuna olukama onkhuma nsuwa. Khamwaarowa okhalana-tho Soolempwa mwarowa-ru epantt’ila nno, khamwaarowa okhalana-tho Soolempwa mwarowa-ru epantt’ile. Ninthuna nisuwele nipuro Soolempwa sinlikan’aya ni Soolempwa, ni nisuwele Ekeekhai ya yeela. Khula mmosa onkuxa ephiro yoovirikana, n’uvonya oruuha waakhula wooloka, masi nlelo ohaana okhala waakhula.

<sup>68</sup> Eri yoolikana ntoko, olelo, sookhala inamuna piili suulupale sa mwiixuttiho mukereja; mmosa aya ti w’eKalvino, mukina ti Armin-...Arminiyaano. Mmosa ti wootthariha ikano, mukina mahalaa. Nto hiyo noophiyerya osuwela wira athu anaamini mahala, aKalvinista, aniira, “Attotopeliwe Muluku, khonikihaaxa onvura soona. Khonikihaaxa owurya. Miyo pooti wira ithu iya, kookhalana nrromelo Ohinimala.” Vano ninniphwanya epantte ekina, wa mulipa ootthariha ikano, aarowa wira, “Oh, kaanitthuna waakhuwelela, kaanitthuna waaleela ikeekhai kamosa-kamosa, masi, ka muKristu, kihaana okhala omaala.” Moone, muniphwanyaneya iphiro piili soovirikana, ni khiivo hata emosa ekhanle yooloka. Vano, ti yoolipa ohimya eyo, masi eyo ekeekhai.

<sup>69</sup> Hiyo nimphwanyaneya iphiro piili soovirikana; emosa, erowaka epantte emosa; emosa, ekina. Vano nrowe noone ele ekhanle Ekeekhai.

<sup>70</sup> Vano nwiriyane, ni moone sinto ennooneya voothokeleleya wa nyuwo. Mwa nlikanyiho, vaakhanle wira kaamwiitthokiha wira kirowe ilapo s’okhopela, kinimwaakuxa amusi aka, kinoowiihana amwaar’aka wa miyo, ni kinoowiirela, “Hiyo ni-...Miyo kinrowa ilapo s’okhopela, oophentiwa.” Vano va ori mpantte wa mulipa ootthariha ikano, “Vano, mwaar’aka, kinrowa woolakiheryani ikano! Mweettana-ru mulopwana miyo kironweene, kathika vale mwa muthiyana oomwalaniwa. Ni nkinthuna wira nyuwo nweheke ni maithe oosiveliwa,

nkinthhuna nyuwo weettasa pure! Munniiwa saana yeeyo? Miyo ka iy'anyu! Mwaira-ru, kinoowoomolani katthika vale."

<sup>71</sup> Vano awo animookola moonoo khuvara ekravaata, khwira, "Mulopwan'aka ooreera murima, kinthhuna koleeleni etthu, moone, moone, wira nyuwo mwamuweha-ru muthiyana mwa enamuna yoosiveliwa, wala okhuma ni muthiyana, wala oraruwana muthiyana, munrowa okhala mulopwana oomwalaniwa mwatthika vale." Vano, eyo khayaarowa okhala etthoko yohakalaliwa-vo? Awo t'alipa ootthariha ikano. Vaareera.

<sup>72</sup> Vano, epantte ekina ti, wira karowa-ru ilapo s'okhopela khwira etthu yoovonyeya... Khurowa khwira, "Vano, nkawehani, kinookhuma ni muthiyana'ola. Oh, khiva mulattu n'amwaar'aka, awo khancala." Amwaar'aka khunaira, "Kinookhuma ni mulopwan'ola. Khiva mulattu ni Bill, owo khoncala." Miyo kaahicaleke, weso yookhala ehilonke ni miyo; miyo nkinimpenta muthiyana'owo saana. Awo yaahicale, yookhala ehilonke mwa yaawo. Awo t'amwaar'aka; nkinthhuna wira hata mulopwana aavaravareke. Awo t'amwaar'aka.

<sup>73</sup> Vano, enamuna yoolikana ya yeela, ti, aakhala oowaili aya aakhalana ekeekhai, masi kahi Ekeekhai yoolikana.

<sup>74</sup> Vano kaarowaka ilapo s'okhopela, wira kikhalihe voolikana, etthoko aka yaamukhaani enoothukumana, ni ninoovekelelana mmosa ni mukhw'awe. Nto kinimwaavahererya wa Muluku, n'awo anookivahererya wa Muluku. Nto naira vale, ninoorowa ilapo s'okhopela... kinoorowa ilapo s'okhopela. Vano, koosuwela wira awo annikipenta; miyo kinnaaroromela. Aw-... ni kinnaaphenta; awo annikiroromela. Miyo kaaphentaka-ru siiso, awo khanrowa okutakutheya wira miyo kinookhuma ni muthiyana mukina. Awo yaakiphentaka-ru oratteene, vano, khivanthuneya miyo wupuwelela wira mulopwana mukina onookhuma n'awo, okhala wira awo t'amwaar'aka ni kinniwaamini.

<sup>75</sup> Miyo kookupali, wira vekeekhai kiirale-ru etthu yoohiloka, ovonya ni okhuma ni muthiyana mukina, n'utthika ni waalapulela, ni waahimeerya, "Meda, nkaalakenle wira yeeyo. Miyo kiroomora paahi vantaphani; muthiyana'ola orookitthimakela akirweelaka paahi khu-khukivara moonoo, khupacerya *elexe ni elexe*," Kookupali wira awo yaamwiiwananeya. Kookupali wira yaamukilevelela mwaha wa yeeyo. Masi nkaarowa wira, hata vakhani, okhala wira kinnaaphenta. Enamwi yaarowa okilevelela, nkaakhanle wira. Nkaakhanle waananariha, ni hat'etthu. Kinamwi kisuwelaka wira awo yaamukilevelela mwaha wa yeeyo, nkinthhuna waananariha.

<sup>76</sup> Nto ti siiso ery'aya ni Muluku. Vakhala wira miyo... vakhala wira ophenta *fileo*, yoowo okhanle ophenta wa mutthu,

ophenta wa opatthana, onniwerya omwiiriha mulopwana woona siiso mwaha w'amwaar'awe; anghi ophenta *agapao*, nuulumo n'Ekreku nnihimya "ophenta wa Muluku," owo waarowa okiiriha sayi wira etthu mwaha wa Yesu Kristu? Miyo, kaatthunaka-ru orowa wira yeeyo, eri mmurimani mwaka wira yeeyo! Hata... Miyo kinihimya wira, yaakhalaka-ru mmurimani mwaka wira, kinoorowa wira. Otthariha ikano kahunrowa okihiya kiiraka, okhala wira kaamusuwela wira kaamuhukhumwa mwaha wo wira yeeyo. Masi Ekeekhai yoolikana ya yeeyo ti, ophenta wa Muluku wakela-ru mmurimani mwanyu mpakha nyuwo *munatthuna* wira Yeeyo. Eyo ti Ekeekhai aya. Vo ti siri inamuna piili. Kahi otthariha ikano wala ekina, wala eKalvino, ti soopili.

<sup>77</sup> Vano ninniphwanya olelo, nave-tho, wira sookhala miromolelo sinci-ene soovirikana. Yookhala ekereja Katolika, ekereja Prustante. Khula mmosa onihimya wira awo t'Ephiro, moone, "Hiyo nookhalana Ephiro, hiyo ti nikhanle Ekeekhai." Yookhala Metotista, eniira, "Hiyo nookhalana Ekeekhai." Patista eniira, "Hiyo nookhalana Ekeekhai."

<sup>78</sup> Ahe, wa miyo, awo yoonaka-ru siiso, kahi siiso, okhala wira Yesu oohimya, "Miyo ka Ekeekhai." Munnona?

<sup>79</sup> Tivo, ntoko waary'aya olaleya waka nsana ohiyu, wira Owo ti nipuro Muluku ohenly'awe-vo Nsina Nawe, nipuro nimosa paahi n'okokhorela-vo. Nyuwo khamuhiyo muKristu mwaha wo wira mwa Prustante. Nyuwo khamuhiyo muKristu mwaha wo wira mwa muKatolika. Nyuwo khamuhiyo muKristu mwaha wo wira mwa Mmetotista, muPatista, wala muPentekosite. Nyuwo mwa muKristu okhala wira moopatisiwa mwa Yesu Kristu, ni Eroho Yowarya, kahi ni maasi. "Ori Waamini omosaru; Pwiya mmosaru; opatiiso omosaru," owo opatiiso wa Eroho Yowarya. Opatiiso wa maasi onookelihani m'opatthanani. Opatiiso wa Eroho Yowarya onookelihani mwa Kristu. Vo ti vari Ekeekhai.

<sup>80</sup> Nave-tho hiyo nookhalana miyuupuwelo miili sa *Othelana Ni Omwalana* nno. Vano, eyo, Pwiy'ahu oonitaphulela esiiri ya Ikanyeryo Thanu na piili sa Masu Awe, mahiku ala ookiserya. Vano, anci-ene a nyuwo, ela pooti okhala Ekreku wa nyuwo, masi ekerej'aka enniwa saana. Ni exeeni? Ni nyuwo muhiwa ohimmwa soowoona ni etthu ekhumelenle. Nto yookoha ene ti yookoha ya Bibilia, hiyo ninnilattuliwa va wira naamini wira ohaana okhala waakhula w'ekeekhai wa esiiri yothene yaipitihwe yeeyo yaipitihwe okhuma opattuxiwaka-ru olumwenku. Ni Bibilia onnilaleerya ni onnihimya wira nihiku nla isiiri iya saamusuwelihiwa. Wiisuupulula 10, "Ni olavula wa nlaikha naneethanu neili, namitthaka a Lawotiseya, isiiri sa Muluku saamurowa osuwelihiwa." Nto ola p'ukathi wookiserya, okhanle Lawotiseya.

<sup>81</sup> Nkawehani muhakalalih'ola wothene okelenle ohoolo iyaakha muloko ni thanu wala soovikana, ni kuuvo hata muromolelo okhumme mwa yoowo. Lutero aahikhalana muhakalaliho, khukhumela muromolelo; Wesley, khukhumela moromolelo; Alexander Campbell, khukhumela muromolelo; othene ala akina aalupale... John Smith n'akina, miromolelo, Moody, okathi wothene. Masi va wookhala mmosa... Voolimaleleya muhakalaliho mmosa onkhala iyaakha soophiyaka tthaaru paahi. Masi ola onnitthikela okelaka ohoolo ovikana iyaakha muloko ni thanu, ni kuuvo hata muromolelo okhumenlenle mwa yoola, maana ola okathi wa Epyo. Khanivotho nikatamphe; nikhummy'aya nikatamphe nene, Epyo.

<sup>82</sup> Muluku oolikana, Owo aahiireke naanaano, Owo onrowa wihana Ekereja wira ephiyerye oloka voomalela ni Masu Awe, Yesu Kristu. Nwehe, ohaana okhala waakhula nipuro nlo, ni yakhala yeeyo esiiri ya Muluku Yootthukiwa imaara Thanu na piili, Ikanyeryo Thanu na piili... .

<sup>83</sup> Akavi aniiwa saana yeeyo, nvenxe ntata. Nrowe noone. Kinoona wira anci-ene aya t'a muthukumano ahu mukerekhere, nwiriyane. Vaahikhale, iliivuru sinookhuma naanaano va, sa mwah'owo. Nookhalana iliivuru, iliivuru kamosa-kamosa sa Yeeyo naanaano.

<sup>84</sup> Yesu, mwa yoosom'ahu, onnilattula otthikela wopaceryani, wa eyaakhulelo y'ekeekhai ya Soolempwa.

<sup>85</sup> Vano, okathi Owo oruuheliw'awe yeela, saahikhala itthu piili s'oweha. Anamukuttho yaahimweerela Owo wira, "Mulopwana pooti omwalana mwaar'awe, khimuthela mukina, mwaha w'etthu p'itthu?"

Nto Yesu khwira, "Khayaari siiso wopaceryani."

Vano awo khwira, "Moise oonitthuniherya onvaha epaphelo y'omwalana, ni omwalana mwaha w'etthu p'itthu awo yaatthun'aya."

<sup>86</sup> Owo khwira, "Eyo, Moise iirenle eyo okhala wira," miyo kinoohiya eyo etite vakhani, "mwaha w'olipa wanyu murima; masi okhuma, ahiiso wopaceryani khayaari siiso." Yookoha!

<sup>87</sup> Yookoha olelo, ntoko murettele wa mulaponi, "Onrwa ni ipoliitika, wiiraana wa ilapo, soowiiraana?" Miyo kinooleelani nyuwa, nnari. Kweekwe enoovonyeya, ni enoovonyeya-tho. Masi woohala waakhula w'ekeekhai wa yookoha ene, "Onookhala murettele elapo ya vathi?" Ayo, etampi yakumihiwa-ru elapo ya vathi, onookhala murettele. Masi mpakha okathi yoowo, khunrowa okhala murettele; "elapo enootuphela elapo ekina, ni omwene onootuphela omwene mukina." Muluku oovaherya murettele wa etampi. Nwiriyane oratteene vano. Muluku oovaherya murettele wira okumihe etampi elapo ya vathi, masi mutthu a elapo ya vathi khonaakhela murettele wa Muluku.

<sup>88</sup> Muluku oonivaha murette ni enamuna yo waathela axaar'ihu ni okhala ni yaawo, masi mutthu khonkupali murette wa Muluku, khonkupali Masu Awe wa yeeyo. Yesu oohimya yeela. Ni ela eninuupuxerya ma—Masu Awe, nisuwelaka wira Owo ohimye wira, “Erimu n'ilapo ya vathi sinoovonya, sinoovira, masi Awaka nnari.”

<sup>89</sup> Yookoha, yo waakhula y'ekeekhai Yesu ontthun'awe wira nitthikele, otthikela wopaceryani. Vano, eyo yaamukhala oMaphattuwelo, 'okhala wira nuulumo *Maphattuwelo* ti ekapiitulu ekhanle epyo ya khula yookoha mBibiliani. Ni nyuwo kweekwe muhaana otthikela woona epyo wira moone muthinto zeeni w'epyo ori mmatta, wira musuwele iye sinrowa okhala soohepha sanyu. Vano, muthinto zeeni w'epyo yaaliwe? Maphattuwelo, akhanly'aya kapiitulu epyo, naamutthikela mwa Maphattuwelo. Yesu onnikeliha mwa Yoolepwa yeeyo, “wopaceryani.” Vano, muupuwele, eyo yaari emaara waapancenry'aya okathi. Owo ohinatthi, waari Ohimala. Vano, yookoha ahu yaakhanle, nwehe, hiyo natthikela-ru wopaceryani.

<sup>90</sup> Vano muhivonye mwa yeela! Ni mwaha wa yeeyo kintthun'aka olavula vakhani-vakhani, wira atthu muliinyani mw'atelefooni, ni wira efiita ehimye voowiiweya.

<sup>91</sup> Vakhala wira Yesu oohimya, “Mutthikele wopaceryani,” saari piili sa khula etthu elapo ya vathi. Aari Atamu mmosa, Hawa mmosa, awo yaaphitaanihiwe ni Muluku paahi. Ekhavalo emosa yoothiyana, emosa yoolopwana; papakayu mmosa oothiyana, mmosa oolopwana. “Wopaceryani,” ntoko Owo sinihimenry'awe otthika, saari piili sa khula etthu. Eyo ekeekhai? [Muthukumano oniira, “Amen.”—Mol.] Vano, hiyo ninniphwanya wira sothene “wopaceryani” saaneetta oratteene ni voolikana ni Muluku, khiivo etthu yahaakhanle oratteene.

<sup>92</sup> Itthu sothene wirimu siri soolikana nlelo; ittheneeri sothene, muloko wa ittheneeri, eyeettelo ya nsuwa, sothene siri voolikana oratteene. Emosa aya osusa, yaamuhonona mutthokiheryo wothene.

<sup>93</sup> Vano nwiriyane. Munnoona? Othikileiha omosa onooonona mutthokiheryo wothene! Vano, okathi atthu yeett'aya vooihiyererya ni Muluku ni mulopwana mmosa ni muthiyana mmosa, muthiyana'ola khuttheka vano eyo yaahikumiha mutthokiheryo wothene wa elapo ya vathi w'okelela ohoolo ni Muluku. Tivo, nuulumo nimoso ninincereriwa muLiivuruni mu, wala Nuulumo nimoso ninkumihiwa mwa Nenla, ennimukumiha muKristu okelela ohoolo ni Muluku, ennikumiha ekereja okelela ohoolo ni Muluku, ennikumiha emusi okelela ohoolo ni Muluku. Khula mulipa-oowaamini vanooweryaneya okumiheriwa ota, mwaha w'ohikupali Masu othene a Muluku.



94 Vano, aari muthiyana okhumelelinhe ovalaana wa etthoko yoothamaleya. Khaari Kerupi ohaaxale elapo ya vathi. Khaari Atamu aakumihenrye etthoko ota. Khayaari hat'etthu ekina yaakumihenrye etthoko ota, khukumiherya ota etthu yothene okelela ohoolo, masi muthiyana, Hawa. Ni ti vaava "epacerele," Yesu olavunly'awe, waahononiwe. Yesu iirale, "Wopaceryani, Muluku aampattunxe mulopwana mmosa, muthiyana mmosa, a khula muxovo." Nto vano okathi muthiyany'ola . . . kahi ekhavaloo yoothiyana, kahi mwalapwa oothiyana; masi muthiyana, owo aahihonona okelela ohoolo wothene wa muteko wa Muluku elapo ya vathi, nto khukeliha sothene mookhwaani. Muthiyana, kahi mulopwana, owo t'ohononne waataana. Owo aahihonona waataana, okhala wira (mwaha wa xeeni?) owo aarootupha mikaano sa Masu a Muluku. Vano, vakhala wira owo aahihonona waataana wawe n'iy'awe, owo aahihonona waataana wawe ni Muluku; nto, okhala wira owo oohonona waataana ni Muluku, owo oohonona waataana n'iy'awe.

95 Nto mwamuhonona-ru natiri anyu ni waataana wanyu wa Masu a Muluku, ti yeeyo yaakhalihale atthu anci-ene a mukereja oohiphwanela, 'okhala wira nikhuru nimosa n'atthu niroothukumana khwira, "Ahe, Awo khahimnye yeeyo," vano eyo ennikumiherya ota mutthenkeso wothene okelela ohoolo ni Masu. "Hiyo khaninaamini Iyo. Totori Jones ohimnye wira Eyo kahi siiso." Masi vakhalaru wira Muluku ohimnye wira Eyo ti siiso, Owo oohimya, "Moolumo othene a mutthu t'owootha, nto Awaka ti Ekeekhai!" Vo eyo ennihonona okelela ohoolo.

96 Vano hiyo ninnoona, okhalaka wira okelela ohoolo woohononiwa, nto ephiro y'Ekumi yaahihononiwa, nave-tho ephiro y'okathi yaahihononiwa, waataana waahihononiwa, sothene saahipwexakaseya! T'ani okhumelelinhe? Muthiyana. Ti yeeyo ehononne waataana. Vano, mwaatthunaka osoma yeeyo, munoowerya osoma, Maphattuwelo 3.

97 Vano, waari vaavo nto yiiriwaaya mulopwana amurumeke muthiyana, ni Masu a Muluku. Owo khaalikana-tho ni mulopwana. Owo aamulikana mukhalelo, moosuwela; masi, okathi ohononn'awe Masu a Muluku, Muluku kuhimya wira mulopwana akhaleke oomuruma muthiyana. Maphattuwelo 3:16, mwaatthunaka olepa. Owo khaalikana-tho ni mulopwana. Owo t'ari namahonona a Masu a Muluku.

98 Khamunoono, "eyo," eyo, ekereja va? Namahonona a Masu a Muluku, yaamukuminhe voomalela okelela ohoolo. Nto ti yeeyo ekereja yiiraly'aya, khuruuhela okhwa wa muroohoni etthu yothene. Vano munoosuwela mwaha wa xeeni kinipwapwel'aka itthu iya ntoko siniir'aka. Eyo Ekeekhai! Ti sookhumelela sa Bibilia.

99 Nwehe, xeeni owo iirenlly'awe etthu ntoko yeela? Aawerya sayi muthiyany'ole, ooreera, ooloka . . . ?

100 Miyo kaahoona elatarato em meta emosa, kookupali wira waari oKresiya, ya muratti mmosa aapintanri elatarato ya Hawa. Owo aari etthu ya mukhalelo woonanarexa kitonko aka wona. Eyo enooniherya ele muupuwelo w'erutthu onwery'aya oweha. Masi, owo khaari; owo aari ooreera, 'okhala wira owo aari muthiyana ooloka, athiyana othene.

101 Nwehe, owo iirenleni etthu iyo, akhanleene enamuna yeeyo y'osulu? Owo aari ni mulopwana oratteene, oolikana ni yoowo. Masi hiyo othene noosuwela vano wira owo woomupweteya olikana wawe ni mulopwana, okathi otthekaly'awe, nto Muluku khwira, "Mulopwana onrowa woorumakani okhuma vano mpakha ohoolo." Vano, eyo ti Yoolempwa. Mwatthuna vale, naamuwerya osoma.

102 Miyo kinoovahani Soolempwaa, wira nuurele okathi wa olikariwa nno wuulupale mulaponi, wira musome mmansinyu.

103 Nwehe mwaha wa xeeni owo iirenly'awe yeeyo. Satana aawenrye sayi omuphiyerya?

104 Mwaahisuwela wira Satana aahalela olikana ni Muluku nihiku nimosa? Vekeekhai, sothene ohiya mpattuxa; owo aari sothene, aakhala moonoo woolopwana wa Muluku, Wirimu, Kerupi muulupale ni oosuwanyeya.

105 Nkawehani mwaha aya owo iirenly'awe yeela, owo khaakhanle moopattuxiwani moopacerya. Owo khokhanle moopattuxiwani moopacerya wa Muluku; owo ti yoopattuxa ekumihiwe mw'ekina. Tivo, "wopaceryani," ntoko Yesu ohimaly'awe, owo khaari ookhala oopattuxa woopacerya wa Muluku. Owo okumihiwe mwa mulopwana, okathi Yesu ohimaly'awe "epacerelo."

106 Muupuwele, Atamu aari soopiili oolopwana ni oothiyana, moopattuxani moopacerya, mmosa, masi nto khuvalaanyiwa ni niparari.

107 Nwehe, masi yoopattuxiwa ekumihiwe mw'ekina, ni, nwehe, mmosa paahi a soopattuxa sothene sa Muluku, a khula mwaamunama ni etthu p'itthu ekina, owo aari mmosaru paahi aatthokihewe siisa. Oothiyana akina othene yaari moopattuxiwani moopacerya. Oothiyana othene akina yaari moopattuxiwani moopacerya, masi Hawa khaakhanle moopattuxiwani moopacerya. Moone, eyo yaahaana opakiwa siiso. Hiyo ninoophiyerya eyo okathi vakhani. Nwehe, moopattuxiwani mu owo aary'awe-mo, kahi woopacerya, masi yoopattuxiwa ekumihiwe mw'ekina. Ni moopattuxiwani mu, wookhala. . .

108 Vano nkinthuna woonanarihani, masi kintthuna wooleelani Ekeekhai. Ni nyuwo mukilaathi paahi mmaale; munniira saana.

109 Khiivo etthu epakiwe wira ekhale yoowootooha, ntoko muthiyana okhanle oowootooha. Khivanweryaneya okhala etthu ekina; khiivo hat'etthu epakiwe siiso.

110 Nave-tho, khiivo etthu ekhanle wootothiwa vookhweya-vo ntoko muthiyana. Vano, omora iwe onnooniherya wira yoohimya ela ekeekhahi, omora wopaceryani.

111 Owo khaakhanle moopattuxiwani moopacerya wa wopaceryani. Owo aari mwa Atamu, masi kahi munlokoni n'othiyana, mmansawe, wopaceryani. Owo aari yoopattuxiwa yaakumihiwe mw'ekina.

112 Vano, khiivo etthu epakiwe enwerya wootooha, ni wootothiwa, vookhweya-vo ntoko muthiyana. Khiivo etthu epakiwe wala ekhanle wiikhalihaka vathi ntoko muthiyana. Muupuwele vano. Khiivo etthu epakiwe, mwa soopattuxiwa sothene, ekhanle wiikhalihaka vathi ntoko muthiyana. Owo onniwerya okhera murima wa mulopwana kapatti-kapatti vookhweya-vo ovikana etthu p'itthu ekhanle mulaponi, ti mwaar'awe. Mmuhiye mwaar'owo ooloka apacerye weetta ni mulopwana mukina; munwehe mutth'owo akilanthene vale n'an'awe, maithori emoraka mmaithoni mwawe. Owo opakiwe siiso. Owo opakiwe wira aireke yeela. Khiivo hata ekuluwe, hata mwalapwa, wala mwaamunama mukina, opakiwe ntoko owo wala okhanle wiikhalihaka vathi ntoko muthiyana siniikhalih'awe. Vano, eyo ekeekhahi.

Kaattittimihaka axinn'aka athiyana, kintthuna paahi wira nwehe.

113 Khaavo mwaamunama okhanle okhalaka oohureya. Nyuwo munimwiihana mwalapwa "mwalapwa oothiyana," mwaamwalapwa oothiyana, munimwiihana oolopwana... ekuluwe "ekuluwe yoothiyana," masi olakeya waya ori imiilya imilyawu sene waavikana aratti anci-ene a Hollywood. Eyo ti moota owo opakiwaawe wira akhaleke vathi. Owo khonwerya...Muupuwele ela vano. Khiivo etthu molumwenkuni, epakiwe moopattuxani mwa Muluku, ekhanle okhalaka yoohureya, wiikhalihaka vathi siiso.

114 Nyuwo muniira, "Nwehererye minuutu mmosa, 'mulopwana'!" Hiyo ninoophiyerya yeeyo. Muthiyana ohaana wira "ayo."

115 Nwehe, khiivo etthu epakiwe wira yiikhalihake vathi, wala okhala oohureya, vookhweya-vo muthiyana. Mwalapwa khokhanle wiiraka yeeyo, ekuluwe khekhanle wiiraka yeeyo, mwaapalame khokhanle wiiraka yeeyo. Khaavo hata mwaamunama ori oohureya, khivanweryaneya okhala, maana khopakiwe wira akhale. Ekuluwe yoothiyana khenkhala yoohureya, mwalapwa oothiyana khonkhala oohureya, mwaapalame oothiyana khonkhala oohureya. Muthiyana ti etthu emosa paahi ekhanle wiiraka yeeyo.

116 Vano munnoona vatthu Satana aaronw'awe-vo? Munnona? Masi nlelo muthiyana ohaana, muthiyana t'orina owerya wo wira "ayo" wala "nnari." Moone, vantthuneya vatthu owo onthun'awe wiivarelela-vo. Munnona? Vano va ninniweya woona oratteene epyo y'enowa, vaakenly'aya-vo. Nri nipuro nimosa paahi eyo yaakhanly'aya orowaka-vo. Vaahiweyaneye eyo ohimya oratteene etthu ene, mutthu khaanoona. Munnona? Moone, yaahaana ophiyerya yeeyo.

117 Nwehe, etthu vahaaweryaney'aya axinama wira yeeyo, mwaamunama oothiyana, awo othene yaari moopattuxiwani moopacerya. Masi muthiyana khaakhanle moopattuxiwani moopacerya mmo. Vano ninootthika wira nithipule yeela, nto nooruheni olukama nihiku na vano, mwa Waataana.

118 Muthiyana opakiwe, meekh'awe, mwaha wa ohureya ni makhalelo oonanara. Mwalapwa khonwerya, ni hata oothiyana mukina khonwerya. Ti muthiyana paahi onwerya. Mwalapwa wala khula axinama akina, emaara emosa khula eyaakha, ni eyo mwaha w'axaana; kahi mwaha wa epuhelo w'ekhapa, masi mwaha wa axaan'awe. Ekuluwe yoothiyana, mwalapwa oothiyana, emaara emosa khula eyaakha, emaara emosa, eyo mwaha w'axaan'awe. Masi muthiyana opakeliwe khula okathi owo onthun'awe. Kookhalana itthu kamosa-kamosa sikwerethiwe va vano; munoowerya wuupuwelela sikina. Mwalapwa khonwerya; muthiyana onniwerya. Kinroromela wira Eroho Yowarya enoowupululelani ekina ya yeela kikwerenth'aka va.

119 Owo t'okhanle muxovo mmosa, muxovo mmosa w'othiyana, opakiwe ootepa oreera onvikana mulopwana. Khuuvo muxovo mukina eriyari y'etthu p'itthu. Soopattuxiwa sikina sothene sa Muluku oolopwana t'ari ooreera, ntoko axinama, axipalame, ni sikina, kweekwe oolopwana t'akhanle ooreera.

120 Nkawehani etthove yuulupale yoolopwana, manyaka maalupale ooreera, mukhalelo muulupale; ni etthove ekhaani, yo wiiyeviha yoothiyana. Nkanweheni muthupi muulupale ni mapururu awe ooreera; ni mwalyakhu mwaamukhaani, oothiyana ookhwila. Nkaaweheeni axipalame, muthupi ni muttehi. Mwaha wa xeeni? Xeeni okhala siiso, wa soopattuxiwa sothene sa Muluku? Khula yoopattuxiwa, mwa oolopwana t'okhanle ootepa oreera. Eriyari ya ipwittipwitthi, eriyari ya—ya ikuluwe, eriyari ya ikhavalu, eriyari y'etthu p'itthu, kweekwe ti oolopwana muulupale okhanle ooreera, ni mw'axipalame.

121 Masi munlokoni mw'atthu, ti muthiyana okhanle ooreera, kahi mulopwana; owo areera vale, yookhala etthu ehilonke, yookhala epyo evirikanne nipuro nlo. V'ephattu siiso t'iry'aya. Mwaha wa xeeni? Yiireliwe-ni yeeyo? Wira oototheke. Nammutthokiha awe, Satana, nlelo onnivara muteko mwa yoowo, nave, mahiku ala ookiserya.

122 Mukihiye keemele vaava okathi vakhani paahi. “Ooreera!” Mwaahisuwela wira, ohononiwa woopacerya, mulaponi mothene, w’olumwenku, ahiiso olumwenku wothene, waari mwaha wa athiyana ooreera? “Okathi aana a Muluku yaawoonaly’aya aana a atthu wira yaari ooreera, awo yaahaakuxa wira ekhale athiyan’aya.” Eyo ekeekhai?

123 Mooweha wuncerereya oreera w’athiyana mahiku ala? Kihooona elatarato ya Pearl O’Brien, yoowo yaahimmwa wira aari muthiyana ootepa oreera mulaponi, mwa okathi mmosa. Khaavo mwaaruusi exikola ela ohimmuvikana, vaahimmwaka oreera.

124 Wuncerereya oreera w’athiyana onooniherya okathi wo woototha. Okathi xeeni ekereja etonko aya wooneya oreera ovikana siry’aya olelo? Itthu sothene sinkumiherya ipa, suulupale sooreera, ni imilyawu sa *ela* ni imilyawu sa *ele*. Khamunoono, “muthiyana,” woototha!

125 Vano, khiivo etthu ekhanle wiiyevihaka ntoko yoowo, ni owo opakeliwe wira akhaleke oowoka. Ni Satana vekeekhai onvara muteko mwa yoowo olelo, mahiku ala ookiserya, okhala wira owo ti nammutthokiha awe. Kinoowerya wooniherya yeeyo naanaano. Wira nitthikele wopaceryani, t’ani opacenrye ovara muteko mwa yoowo, Atamu ahiiso Satana, Muluku ahiiso Satana? Moone, owo ti nammutthokiha awe. Ti kapwitthi awe muulupalexa wira amurihele mulopwana moohureyani mwawe, akhalaka muthiyana ooreera, owo onniwerya onvara murima mulopwana khula enamuna onthun’awe. Munna, kehiyo epaare nno enimuvara mulopwana; ti muthiyana ooreera oneetta muramphani, anyokolowaka, awanreene ikuwo nuusu. Ti yeeyo envara... Owo ti namawoka vaavo vo. Ni owo t’owiiva ni yeela, vekeekhai t’owiiva. Nyuwo pooti okikoha mwaha wa Satana okhala nammutthokiha awe, masi eyo Ekeekhai. Satana t’omutthokihale. Owo nlelo onniira yeeyo.

126 Mukihiye kiwooniheni etthu mwa Soolempwa. Kihaana woohokoloxeryani mwa Soolempwa, vano nyuwo mukhalaneke muupuwelelo anyu nwehaka yeeyo olelo.

127 Satana ti mmosa onivuwiha enamuna yeeyo y’ereerelo. Naweha vale, owo t’ari ootepa oreera wa Malaikha othene Wirimu. Eyo ekeekhai? Vano owo aatthunne okhaliha Erimu nipuro nooreerexa ovikana omwene wa Mikayeli. Eyo ekeekhai? Nave-tho, wira nooniherye wira Kayini aari mwan’awe, owo aaruuhale okokhorela wootepa oreera, aahimphapa altaari awe ni mihokorokho ni maluwa, ni sikina. Eyo ekeekhai? Oreera! Etampi ti yoophwaneliwa, ele eniihan’ahu oreera olelo. Ni etampi ti yoowoka, mwaha wa ereerelo. Nyuwo khamwaakhanle omuwehaka muthiyana arowaka mphironi kuhimya etthu eri mmurimani mwawe. Munnona? Masi kaatthuna kihimye itthu iya wira nwerwe woona mwaha wa xeeni Satana okhalenly’awe

nammutthokiha awe. Eyo ekeekhahi voolikana, mwan'awe ene ohooniherya yeeyo, Kayini. Vano, owo t'oreera wira aweryeke owoka.

<sup>128</sup> Olumwenku ti wooreera wira oweryeke owoka. Kinihimya *kosmos*, ekhalelo y'olumwenku. Ti wooreera wira owokeke, mapuro maalupale ooreera ni ekaryelo.

<sup>129</sup> Mmuupuwele profeta, Amosi, okathi waawenly'awe khuweha muttethe vathi, nto khoona ntoko Hollywood a vano, maitho awe makhaani khuyeva, vathi va maihi ale oottweelela yaamorela wiitho wawe. Vano owo khukhuruwela iwe ni Mutthaka, khukhumeleliha Yoowo n'ikuru nipuro nenle. Owo khwira, "Muluku yoowo munihimy'anyu wira munnimurumeela, onimootoloxani!" Ti yeeyo.

<sup>130</sup> Etampi, ti yoophwaneliwa. Atthu animpaka Yuta ntoko namuhapaliwa wenno nno mphironi nipuro nlo, ni eyano yoothukuwa erina iphepele, ni siiso, ntoko Yuta. Yuta aari oophwaneliwa, a ikuru, namawoka. Kahi mutthu yoowo onthuneya wira awehiwe, kahi mutthu (mulimi) onkela omuwanreene makakawu, onaaweha amwaar'inyu; t'ule oowaraala, owo t'ohiisumaaliha.

<sup>131</sup> Etampi ti yoophwaneliwa vamaithoni v'olumwenku, masi Muluku khonooniheriwa mwa enamuna yeeyo y'ereerelo. Mwaanisuwela yeeyo? Muluku onooniheriwa mwa mukhalelo wa murima, mukhalelo wa murima wooreera.

<sup>132</sup> mBibiliani, Yesaya 53, mwatthuna vale olepa Yoolempwa. Sookhala Soolempwa soothataana silempwe mpantye mmosa nno sa yeeyo. Yesaya 53, Bibilia oomuhimya Pwiy'ahu Yesu, wira, "Khaareerenle wira hiyo nimutthunke Yeowo. Ni ntoko mutthu ohiniphaveliwa owehiwa wiitho Wawe." Eyo ekeekhahi? Hiyo khanaamutthuna Owo, okhala wira Owo khaareerenle. Owo alakela aari mutthu ooyeva, makhata oomoramora, a mukhalelo woaxeerya, ni Owo khaaphaveleya wira akhale muhooli. Owo khaakhala ntoko muhooli. Aalavula ni malavulelo pure a mmawaani, ni siiso, ntoko atthu siniir'aya, atthu pure, vano tivo Owo khooneya okhala ntoko mutthu oosoma, oosuwela, oolakeya, oowara saana, ni sothene. Owo aari Mutthu pure paahi. "Owo khaareerenle, wira nimutthunke." Owo aanikela ni okhuma eriyari y'atthu, voohihiyererya, awo hata khayaasuwenle wira Owo aari Pani. Owo khaakhala ntoko muluku eettaka, ele naarowaahu wupuwela wira aari mulukuu. Masi, nnakhala vo, aari Yoowo!

<sup>133</sup> Mwaahiweha wira okathi Apwiya Muluku amuhimenry'aya—Samuweli, "Murowe vatthokoni va Yese mwamuttikitthele makhura mmosa w'an'awe, mwene, wira akhale nipuro na Sawuli?"

<sup>134</sup> Vano, atthu yaamuthanlale Sawuli, Samuweli aahimenryeene voomalela wira ehiire. Owo iirale, "Muluku

khanthuna wira mukhalane mwene; Owo t'okhanle Mwene anyu." Ni khwira, "Kootoko wooleelani etthu p'itthu, mwa Nsina n'Apwiya, yahaatonko wiiraneya? Kootoko woovekelani musurukhu wala *etthu ekina*, wira kiikhaliherye?"

<sup>135</sup> Awo khwira, "Nnari, nyuwo khamunatoko onivekela musurukhu. Ni sothene muhimaly'anyu, mwa Nsina n'Apwiya, sihiiraneya. Masi nimmutthuna mwene, khula enamuna," vano awo yaahimuthanla Sawuli. Nkawehani etthu olumwenku othanlaly'aya! Nkawehani etthu Isarayeli aathanlaly'awe! Isarayeli, ooreerihwa a Muluku, awo yaamuthanlale mutthu mmosa muru awe ni makhat'awe yaamuvikana khula mutthu mulaponi; mutthu, muulupale, ooreerela, mutthu mmosa oophwaneliwa, ni owo okathi wothene aari ephepele mmakhurani.

<sup>136</sup> Masi Muluku iirale, "Kinrowa woothanlelani mwene vootthuna Waka." Vano Owo khwira, "Samuweli, nkinrowa wooleelani t'ani, masi nyuwo murowe iwe. Owo mmosa w'ana a Yese."

<sup>137</sup> Nto Yese, amwaar'awe, ni othene aya khuweweha, khwira, "Ayo, mwan'ihu muulupale, owo mutthu muulupale, oorakama, oophwaneliwa, owo enoomuphwanela ekhara ya mwene. Owo t'osuwela. Owo t'osoma. Owo mutthu oolakeya. Koosuwela wira owo onookhala saana. Owo onnilavula moolumo awe oratteene."

<sup>138</sup> Varuuiwaawe, Samuweli aahikuxa murinki wa makhura khumurowela. Owo khwira, "Nnari, Apwiya aamukhootta." Vano owo khurora ipante sothene, w'ana athanu na mosi, nto Apwiya yaahimukhootta khula mmosa. Owo khwira, "Khokhanle mukina?"

<sup>139</sup> "Oh," owo khwira, "ayo, ookhala mmosa, owo ori iwe asukihaka ipwittipwitthi. Owo onookilaathi iwe paahi n'urumiha isipo, ni wiipa, ni onyakula, ni wira siiso. Masi, owo mmiravo mmosa oomora makhata, ooxeerya, owo khonrowa ophwanela omwene."

<sup>140</sup> Owo khwira, "Mmurowele." Nto okathi Davidi aarwaawe ohoolo wa profeta, profeta khutthimaka ni makhura khimuyeeherya vamuru vawe, khwira, "Ola t'othanliwa ni Muluku." Kahi oreera; masi mukhalelo wa murima. Muluku onweha mukhalelo wa murima.

<sup>141</sup> Mutthu onweha oreera w'ephattu. Ti woowoottha. Ni mwaha wa yeeyo muthiyana ovaheriwaawe oreera iwo, wira awokeke, oototheke. Muthiyana ooreera, aahirumeele-ru yeeyo oratteene, onkhala otakhaliwa wa yoowo; onrowa omuroiha omooroni voowaakuveya ovikana etthu p'itthu ensuwel'aka. Vakhala wira owo paahi. . . Vakhala wira onoooreera, vekeekhai, owo aakhalakaru n'aiy'awe ni wira ele eri yooreera, nto eyo—eyo ti yooreera saana. Masi vanooweryaneya owo okuxa etthu ene

yeyo ni, wulu, moota okhanly'awe wootothaka ni yeyo, okhala wira ovaheriwe wira aireke siiso.

<sup>142</sup> Nwehe, vano, masi Muluku onooniheriwa mwa mukhalelo wa murima. "Yesu khaareerenle wira nimutthuneke," masi khonakhaleke mukhalelo wa murima ntoko Yoowo, elapo ya vathi.

<sup>143</sup> Vano hiyo ninnoona, olelo, wira mu—mukhalelo wa ekereja, Satana ni nikhuru nawe, amphavela ikereja, suulupale ni sooreera, itthu sooreera. Ti yeyo olumwenku onweh'aya olelo. "Oh, ti pastore, *lexe ni lexe* muulupale, imaara *lexe ni lexe*, veenamukuttho ni oothunku, onikhuma, n'ikuwo iya suulupale, ni itthu siiso." Awo aniihana yeyo oreera.

<sup>144</sup> Masi atthu oowaarya eekeekhai a Muluku amphavela mukhalelo wa Masu oolipiheriwa.

<sup>145</sup> Ti yeyo atthu owaarya yiiraly'aya mahiku ale, vaamoonaly'aya Yesu. Owo khaari hat'etthu y'oweha, masi awo yaahimoona Muluku mwa Yoowo. Awo yaahoono wira Muluku aari ni Yoowo.

<sup>146</sup> Ti siiso ale, Yowabi ni atthu ale ni Davidi, mutthu ooyeva, masi awo yaahimoona mu—mutthu aari mwa yoowo. Awo yaahoono wira Muluku aari mwa yoowo, ni yaahisuwela wira owo aamuphiyerya ofalume nihiku nlo. Awo...Mmosa aahiwiiva axinn'ale akina athanu a Koliyathi, meekh'awe. Mmosa aahiwiiva atthu imiya tthaaru; okathi athiyana kamosa-kamosa yaarukul'aya ekhutte ya yolya y'ohiyu, ni anakhotto yaarowaly'aya, vano owo aahikuxa nivaka khuwiiva atthu imiya tthaaru, aFilisti. Mukhalelo wa murima! Mwaha wa xeeni? Awo yaahikhala ni Davidi. Awo yaanisuwela ettikitthelo yaari mwa yoowo, ni yaanisuwela wira owo aamuphiyerya ofalume.

<sup>147</sup> Elatarato yooreerela Ekereja olelo enrowa okhala ni Masu! Hiyo noosuwela wira Eyo enoorowa okhalihwiya yoolipiheriwa. Hiyo noosuwela wira Eyo enoophiya mooweryani nihiku nlo. Onamwi Sawuli...Ni owo aari mulipa-ootthyawa a maloko makina, masi awo yaanisuwela wira aamuphiya mooweryani. Hiyo noosuwela wira Owo onnoorwa mooweryani, nave, tivo nikuxe Masu awo nikhale vaavo, hata wira entthuneya xeeni. Vakhala wira nihaana waathikila aFilisti, wala otupha mulittini khumwiiva kharamu, ntoko mmosa siiraly'awe, hiyo ninoorowa khula enamuna, 'okhala wira ti...eyo ti enamuna Muluku otthokiheny'awe wira ekhale. Hiyo nimphavela mukhalelo wa murima.

<sup>148</sup> Khino nyuwo munookikoha vano, "Xeeni Owo otthuniherya wira muthiyana atthokihwiwe siisa?" Nkintthuna okuxa okathi munci-enexa, 'okhala wira kihaana sinci-ene wira kihimye va. "Vano," yookoha pooti okhumelela nto, "xeeni Muluku ompaka muthiyany'ola siisa? Xeeni Owo otthuniherya owo okhala siiso?" Vaari vootthuna Wawe Mwaneene. Vekeekhai.



149 Vano mwatthuna vale omukhunla Bibilia anyu minuutu mmosa paahi, nrowe naakhunle aRooma 9, minuutu mmosa paahi, niwooniheni etthu, moota Muluku oniir'awe itthu iya, mwatthuna vale o—osoma. Nto hiyo ninoowerya woona va etthu Muluku oniir'awe vootthuna Wawe Mwaneene. aRooma 9:14.

Vano *ninrowa ohimya exeeni nto?*

*Wira khiivo exariya wa Muluku? . . .*

150 Okathi Owo omuthanlaly'awe Esawu, ahiiso omuthanlaly'awe Yakope khimukhootta Esawu, ahinatthi hata mmosa w'aximiravo awo okhalana ehaakhi y'othanla, mwaneene, hata mmosa wa awo; awo ehinatthi oyarasiwa, nlelo mmirimani mw'amey'aya, Muluku iirale, "Khinnimunyokha Esawu, nto kinnimpenta Yakope." Munnona? Mwaha wa xeeni?

*Maana aahimuhimeerya Moise wira, kinoomoonela othunku ole ontthun'aka omoonela othunku, nave kinoommorela ikharari ole ontthun'aka ommorela ikharari.*

*Nto tivo kahi...ole ontthuna, nnakhala...ole ontthaya, masi ti Muluku onimooneela othunku.*

*Maana soolempwa sinnimuhimeerya Farawo, mwaha wa yeela koovenxaly'akani, wira kooniherye oweerya waka mwa nyuwo, wira nsina naka nivuwihwe mulaponi mothene.*

*Tivo...owo (Vano nwehe va)...-maana... onnimmorela ikharari ole ommutthun'awe, nave onnimuumiha murima ole ommutthun'awe omuumiha.*

*Nyuwo mu...munookikoha, Xeeni nto owo... ovahaka milattu? Nave ti pani onikhootta otthuna wawe?*

*Masi, O mulopwana, mw'ani nyuwo oonvaanyiha Muluku? Etthu yoowuupiwa eniwerya sayi omukoha mulipa-oowuupa wira, Mukuupenleni yeela?*

*Mulipa-oowuupa kharina oweerya n'uloko, yoowo mmosaru wuupa mwaapu wa nttittimiho ni mukina woohikhala wa nttittimiho?*

*Ankhi Muluku, atthunaka wooniherya oviruwa wawe, ni osuweliha oweerya wawe, aahivilela . . .vanciene mwaapu waaphwanela oviruweliwa opakeliwe opwetexiwa:*

*. . .wira asuwelihe mihakhu s'ovuwa wawe mwaapu omoreliwe ikharari, yoowo aathanlenly'awe ovuwihwa okhuma khalayi,*

151 Vano muvaanyihane ni Yeeyo vakhani. Muluku ohiira siiso! Owo aahaana opaka siisa. Yaahaana okhala vaavo.

Vano nwiriyane. Vano minuutu soophiyaka mithanu, kintthuna nwiriyane saana etthu emosa.

<sup>152</sup> Muluku exeenii? Muluku ti muulupale Ohinimala. Wopaceryani, ottuli wu ehinatthi okhala epaceryelo, Owo nnakhala khaari Muluku. Mwaanisuwela yeeyo? *Muluku* ti “etthu enikokhoreliwa,” vano khaayaari-vo hat’etthu wira emukokhorele Yoowo. Owo aakhala meekh’awe.

<sup>153</sup> Nto mwa Yoowo saahikhala mikhalelo. Mukhalelo exeeni? Muupuwelo. Vano munoosuwela etthu emosa enrowa olikana ni nisomi n’olelo ohiyu. Nwehe, Owo aari mikhalelo Sawe saari mwa Yoowo. Vano, waari mwa Yoowo okhala Tithi, waari mwa Yoowo okhala Muluku, waari mwa Yoowo okhala Mwaana, waari mwa Yoowo okhala Moopoli, waari mwa Yoowo okhala Mpenuxa. Nto itthu iya sothene va sinooniherya mikhalelo Sawe paahi. Khiivo hat’etthu ekhumenle ota wa mweettiheryo. Nyuwo munoona wira Muluku khoonale emalelo okhuma wopaceryani? Vekeekhai, Owo aahona. Khiivo hat’etthu ekhumenle ota wa mweettiheryo, eyo enooniherya mikhalelo Sawe paahi.

<sup>154</sup> Vano, Owo khaakhanle okhalaka *naxariya* khunampaka mutthu wira amore. Owo aahaana omuhela mwa mulipiheryo mmosa, wa otaphuwa w’othanla, wira athanle mwaneene, asuwelaka wira aammora.

<sup>155</sup> Vano, Owo khokhanle okhalaka Moopoli vahikhanle wira yookhala etthu erimeenle. Owo khokhanle okhalaka Mpenuxa vahikhanle wira yookhala enwereiwa. Itthu iya saahaana okhala siiso. Muluku opanke siiso wira mikhalelo Sawe suulupale soonihereye. Yahaakhanle yeeyo, Owo khaakhalakhala akhalaka Moopoli. Masi hiyo noosuwela wira Owo aari yoowo, hata ohinatthi okhala okathi, Owo aari Moopoli. Owo aari Moopoli, tivo yaahaana okhala etthu yaarimeenle. Enrowa okhala sayi?

<sup>156</sup> Vakhala wira Owo onookuxa n’upwetexa, wira oopole paahi, weso kahi exariya wa olamula Wawe. Owo khaakhanle omuroihaka mutthu omooroni, khunakhala *naxariya*. Owo t’ophenteya, ooreera murima, eekeekhai, a nneema, ni Owo Mphuki muulupale. Moone, Owo aamukhala avaraka muteko aivirikanyaka Mmansawe.

<sup>157</sup> Tivo Owo aahaana omuhela mutthu va, amukhalihe oothanla vootapuwa, tivo owo aamurowa, asuwelaka, wira aammora; nto mutthu, ailattanihaka Yoowo Mwaneene, aarowa omora sayi? Vano nyuwo munnoona Waarya wa nihiku? Tivo, Owo aahaana opaka yoopattuxiwa ekumihawe mw’ekina, etthu ekhumme moopattuxiwani mw’ephattu. Vano munoona yeeyo. Munnona? Eyo vo. Munnona? Vano, ti yeeyo yaamonre. Owo aahipaka, asuwelaka wira yaammora. Ni kuheliwa mmatatani mwa Satana, wira okhale mwaapu woohikhala nttittimiho. Nttittimiho oniheliwa vayi olelo? Muupuwele yeeyo. Nwehe oratteene vano.

158 Vano emaara ekina, owo otthokiheriwe-ni siisa khuhikhala ntoko oothiyana akina, xeeni muthiyana otthokihwiwa siiso waahiya oothiyana akina? Khuuvo mmosa wa oothiyana akina otthokihwiwe siiso. Awo kahiyo, olelo. Awo khanwerya. Ehipakiwaka siiso, owo khokhanle wira. Xeeni Owo ohimpaka oothiyana'ola nto, muthiyana, voolikana ntoko oothiyana akina, wira owo akhale enamuna emosaru, aasukeke an'awe paahi? Vano owo aamukhalana iy'awe, n'ukhala; nto waphiya okathi w'axaan'awe, aamukhalana axaana. Xeeni—xeeni Owo ohimpaka siiso?

159 Nkikhanle ohimyaka moolumo ala. Nto nyuwo munnisuwela etthu enihimy'aka, khamunsuwela? Mwaaweryaka osuwela, mwiire "amen." [Muthukumano oniira, "Amen."—Mol.] Ayo. Munnona? Aakhala axiruusi akilanthe vaava, ni aximiravo, moone. Masi moosuwela, mwaamunama ohaana orwa okathi mmosa w'eyaakha, vano mukhw'awe, nto ti yeeyo tu. Masi, muthiyana, onkhala okathi wothene. Nto Owo omupakenle-ni siisa?

160 Vano nwehe etthokiheryo Awe yuulupale okhunuwa, okathi onkelel'ahu ohoolo va vano, voolikana tu sinweryaney'aya okhala. Miyo nkaasuwela ela mpakha nihiku nlo.

161 Xeeni Owo ohimpaka siiso wopaceryani, ntoko oothiyana Awe akina? Okhala wira yaamukhala yoohireerela wa Yoowo. Owo ti Ephattuwelo ya ereerelo yothene. Mwaha wa yeeyo Owo aarin'awe omuhiya Satana omukuxa owo, etthu iiraly'awe woohononani. Yoopattuxa eyo yaamukhala, khayaarowa okhala yooreerela wa Yoowo, yaatthokiheriwaaya voopacerya.

162 Miteko Sawe sothene Owo aatthokihaly'awe, voopacerya, siri sookelela ohoolo. Miteko Sawe sothene soopacerya saari sookelela ohoolo. Mwalapwa oothiyana, mwalapwa oolopwana; moone, enyompe yoothiyana, enyompe yoolopwana; sothene vookelela ohoolo. Ephattu yothene enikelela ohoolo. Epyo enimookhwa, enkela mutthayani; voolikana ntoko okhwa, ovithiwa, ohihimuwa. Ephwamwaasi enookhuruwa mmwirini, khumoroxa ntaakhuru naya, entthika mwaahiyu n'uhihimuwa wa ntaakhuru nsya. Munnoona enihimy'aka? Sothene, hata ephattu, ya Muluku, siri sothene sikelelaka ohoolo, mwa emosa; nto va ori mmosa otthokiheriwe ota wa okelela ohoolo wa Muluku. Ephattu etthokihwiwe saana woowi ehittheke. Muupuwele! Soopattuxa soopacerya, sa Muluku, khasaakhanle otthekaka.

163 Oh, khamunoono vano, eyoonelo ela va, ohononeya w'ekereja? Yoopacerya ti Masu a Muluku! Khiivo etampi mwa Muluku. Munnoona enihimy'aka? Va eri yoopattuxiwa emosa ekhumelenle ni ohononeya. Muluku onoorowa okhalana Ekereja, masi nwehe etthu ila yoopahuwa awo arin'aya nno.

164 Muluku ookhalana oolopwana ni oothiyana. Masi, muthiyana'ola, moone, ineneeryo sene sa yeela sinnooniherya ele yaari wu mmuupuweloni mwa Muluku. Naamuwerya okuxa ewoora emosa, wala piili, n'uthokosa yeeyo. Owo... Aahipakela yoopattuxiwa ela mukhalelo yoowo, Owo aahipaka yoopattuxiwa khukhaliha wira Satana awerye okuxa, nto owo ookuxa. Owo nlelo ookuxa. Vaamureerela owo otthyawela Vamwiikimanyo, siiso mulopwana, nave.

165 Nwehe, ephattu yothene eneetta vookelela ohoolo. Owo aamupanke-ru muthiyana moopattuxani mw'ephattu memmo, khayaarowa okhala etampi, okhala wira owo khaarowa wira, owo khaarowa wira. Owo t'uhononeya wa yoopattuxiwa woopacerya.

166 Ti siiso etampi yothene ohononiwa w'Ekeekhai yooloka! Wootha exeenii? Ti Ekeekhai ehononiwe. Oraruwa exeenii? Ti mwiirelo wooreera ohononiwe. Tivo vo eri yoopattuxiwa ehononiwe, vo eri etthu yothene yoohononiwa. Nto etthu yothene entaphuleliwa e-t-a-m-p-i, emphwanyaneya vaavo vo. Tivo mwaha ene ory'aya muulupalexa.

167 Epantte emosa paahi, ekapatti, epakiwe ya mulopwana, wira emuwokeke ni yeeyo; Muluku oopaka ela, vaava va ohooniherya. Ti yeeyo owo opakeliwaawe.

168 Muthiyana oohureya ti etthu yootakhalexa ekhanle wuupuweliwaka, elapo ya vathi. Kileveleliwe yeela, aximwali. Owo kahi hat'etthu woohikhala nlaatha na ikokhola, eyooniheryo y'ekhapa. Ti yeeyo tu okhanly'awe, muthiyana oohureya, nlaatha na ikokhola s'ekhapa y'atthu, enanarelo, vaavo ohureya woohononeya, woonanara, woohiloka, onikuxiwaaya ni yoowo. Owo opakeliwe-ni siisa? Wira awokeke. Khula etampi etonko okhala mulaponi ekolomoliwe ni muthiyana.

169 Ni mulipa-ootokosa mmosa a oChicago, mu-muthiyana mmosa t'omulempe artiiku ula, mapiliisa, awo amuphavenly'aya, Estadu Unidu, Estadu Unidu a mittetthe suulupale, wira, "Ipursentu miloko mithanu na mixexe ni thanu na tthaaru sa ikhirime sitonko wiiriwa sa khula enamuna, wEstadu Unidu, aahikhala muthiyana mmosa memmo wala ottuli waya."

170 Vano miyo kinihimya sothene iya, wira kiphiyerye etthu emosa va woomalihani, wira nwerye woona mwaha ene.

171 Owo opakeliwe owoka, ntoko saamwiirihaly'awe Atamu wopaceryani, omuleela wira muhokorokho waari woopuheya, ni sikina, wira amuwoke ni amukumiherye ottaiwene wa Masu. Ti siiso ekereja eniir'aya olelo, etthu emosaru.

Masi nto, nuumala yeeyo, owo khukhala nammuruma awe, wira amurumeke.

172 Vano evirikanelo xeeni nihiku nla, nihiku nla n'otthokelela. Ohiya mulopwana okhala nammuruma awe, muthiyana t'okhanle muluku awe. Vekeekhai, owo t'onimuruma. Vano nyuwo khino munoosuwela saana etthu kinikhomakel'aka. Mwaha w'oreera wawe ni owerya wawe w'ekhapa, ekhalelo awe ovahiwaawe ni Satana, yoopattuxiwa ekumihiwe mw'ekina Satana opakaly'awe, owo onirummwa wira aawokeke aana a Muluku. Ni owo onniwerya waavara murima anci-ene aya aaroihaka omooroni ovikana ikaruma sikina Satana orin'awe. Eyo ekeekhaii voolikana.

173 Kimmuhimya ole oohureya vano, kahi nyuwo axinna. Ninimoovahani opuro anyu, opuro wooloka, minuutu vakhani, mwa Masu a Muluku va. Yaari mootthokihani mwa Muluku okhuma wopa—wopaceryani.

174 Vano wira yeela olelo, muluku a wEstadu Unidu ti pani? Munnuupuwela mutapernakulu iyaakha sivinre, wira kaahilaleerya yeeyo? Muluku a mahiku ala a vano, mwaaruusi mmosa ooveeha okilante vale iipintanri, ni evistiitu evennye vasulu va makutha awe, ni itthu siiso. Miyo kiirale, "Owo vo muluku anyu!" Nto eyo ekeekhaii, owo omphwanyaneyeyo mwa khula ehapari, nuusu epwitipwiti. Owo ori mphironi, enamuna emosaru.

175 Eyo ekaruma ya Satana, "okhuma wopaceryani," Yesu oohimya. Munnona? Hiyo ninnoona wira ti siiso vano, ni "okhuma wopaceryani," ni etthu Owo onihimya'awe.

176 Vano, apakawu yaanimukhalihaka muluku, (mwaahisuwela yeeyo?) muluku muthiyana. Vekeekhai yaanimukhalihaka. Awo animukhalihaka muluku muthiyana, okhala wira yaaniira ekhapa wookokhorelani waya. Awo yaahimya wira, "Owo t'ari mpattuxa. Mmirimani mw'awe aanikuxa epyo n'upattuxa." Ti yoowoothiwa. Ori Mpattuxa mmosa paahi, owo ti Muluku. Masi munnimuupuwela Paulo iwe? "Tiyana, a wEfeso," elatarato ya mwala, yiraka, "muluku muthiyana a Wirimu, oriheliwe vathi." Khamunoona moota okokhorela w'apakawu ory'aya?

177 Ni hiyo, nihisuwelaka, ninoothikela voolukama okokhorela-tho w'epakawu, athiyana, yoopattuxiwa yootepaxa okhala ya vathi elapo ya vathi, omukokhorela muthiyana! Owo onoomuvara murima mulopwana khula enamuna onthun'awe. Ni nihisuwelaka, oreera iwo wothene ota, omooroni iwe ori muhina. Salomoni oohimya, "Sawawe, mikhora sawe mikhora s'omooroni."

178 Vano ninnoona oratteene va etthu Yesu ohimaly'awe mwa Wiisuupulula, kapiitulu 2 versiikulu 15, ya mwiixuttiho w'aNikolawo, orwa w'ekereja eyo yirakamelihaka Masu.

179 Nave-tho ninniweya woona va, oratteene, aprokrama ala, oohifayi, oonanara nirin'ahu mutelevisawuni, sa mapwiyamwene a ekhapa a Hollywood. Ninniweya woona

ohifayi w'epooma ela, moota anamwane ala, axiruusi yeettasaka nno ni nno mphironi mu, ni ikuwo sikhaani, sootita, yiittikinyaka, ni oriirya woophiyerya okhwa mwaha w'oriirya. Awo khansuwelasa wira owo ti xetwani oniira eyo. Awo aroovariwa ni erooho yootakhala, nave khansuwela! Nyuwo khamunimoona mwalapwa oothiyana airaka siiso, munnimoona? Khamunimoona oothiyana mukina airaka siiso, ni vanreerela hata oolopwana mmosa aheette amurowelaka, hata vakhani.

<sup>180</sup> Moone, vano munnisuwela saana elatarato ene? Ninimooniherya etthu okathi vakhani paahi, Apwiya yatthuna vale.

Vano munniwoona aNikolawo, munnoona mwiixuttiho aya.

<sup>181</sup> Munniwoona mapwiyamwene axiruusi, aniihaniwa siiso, anamarula ikuwo ala muramphani. Yaakhalaka elimalelo orowa woothekulani woohifayi nno, omoona namarula ikuwo. Mutthukule maitho paahi, nwehe mphironi, ti yeeyo tu erina wiiriwa vano. Etthu yothene orula ikuwo. Vekeekhai. Awo aniiirela-ni yeeyo? Wira ahooxeke, ottehatteha, eyo etthu emosa owo okhanly'awe wiirelaka. Owo oniirela eyo okhala wira t'ohifayi. Owo oniirela eyo okhala wira opakiwe siiso. Owo khonsuwela wira ekaruma mmatatani mwa Satana, nto ti yeeyo okhanly'awe.

<sup>182</sup> Hata mmaxikolani mwahu, muniixuttihiwa wira ekhapa. Olumwenku ahu woowunta w'omukokhorela muthiyana! Koosuwela wira awo khandthuna waamini yeeyo. Anoovenya ni wiipa muthinto mmosa w'esipo, ni sikina, nihiku nimos; n'ukhuma n'athiyana, esivelanaka, ohiyu wothene. Munnona? Vaareera. Okathi, vamaithoni va Muluku, Masu, owo t'otepaxa okhala vathi w'axinama othene Muluku aahenly'awe elapo ya vathi. Nwehe.

<sup>183</sup> Mwaha wa yeeyo Muluku onimukhoottih'awe wiixuttiha Masu Awe. Ti yeeyo. Timoteyo Oopacerya 2:9-15, "Nkinimuhiya muthiyana wiixuttiha, wala okhalana oruma." Munnona? Nave-tho aKorinto Oopacerya 14:34, "Mukereja athiyana ekhaleke oomaala, okhala wira awo khandthunihiwa olavula, nto ekhaleke oomaala; nave-tho sinniruma Ikano." Masi, olelo, ekereja eniira exeenii? Awo anaakhaliha mapastore athiyana, anamalaleya, Bibilia nave onnikhoottiha voomalela. Ni Bibilia oohimya, "ntoko sinihimy'aya Ikano," yiirihaka eyo weetta ekelelaka ohoolo, etthu yothene.

<sup>184</sup> Voolikana ntoko Mwaapwittipwitthi aary'awe, nsana ohiyu, nipuro nimos paahi n'okokhorela-vo, vathi v'Ephome yoomwaraxiwa ya Mwaapwittipwitthi. Ti nipuro nimos paahi olelo, mwa Kristu. Enamuna emosa paahi yo wira okela mwa Yoowo. Nlo ti nipuro nimos paahi n'okokhorela-vo. Kweekwe

yaari siiso. Nipuro nimoso paahi n'okokhorela-vo ti vathi v'Ephome yoomwaraxiwa.

<sup>185</sup> Nto vano ninnoona elatarato yothene ya yeeyo yiisuupululaka wa hiyo. Owo ori vo. Mwaha wa yeeyo Muluku ohimmutthunihery'awe wiixuttiha, khommutthuniherya wira hat'etthu mukereja woohikhala okilaathi khumaala ni wiitho wokhuneeliwa.

<sup>186</sup> Vano munniwerya wona mwaha wa xeeni kinihimery'aka itthu ni wira itthu kiniir'aka, kisuwelaka sothene iya mmurimani mwaka, munna mulopwana, athiyana? Koozuwela, axinna athiyana, miyo ka...nyuwo mookhalana opuro anyu (okathi vakhani paahi), ni mukhalelo wa murima Muluku okhanly'awe okhalihaka mwa nyuwo. Masi kineeherya olavula mwaha w'epantte ekina, wira kiwooniheryeni vekeekhai onikhum'anyu-wo, "wopaceryani." Yesu oonileela wira "nitthikele wopaceryani," wira nisuwele. Ti yeeyo eniir'ahu.

<sup>187</sup> Vano kaahaana ohimya mapuro maalupale wa sinci-ene sa yeela, ni kinwehererya wira munimwiiwa saana. Ni nyuwo atthu munrowa wiiwaka efiita ela, kinwehererya wira munimwiiwa saana. Mutthike paahi. Eri wira kooniherye paahi wira Yesu ohimye wira, "Mutthikele wopaceryani, nto musuwele." Itthu sothene, mutthikele wopaceryani. Munniwerya wona, olelo.

<sup>188</sup> Vano, atthu, awo aniira wira kinnaanyokha athiyana. Eyo eri ottaiwene w'Ekeekhai. Nkinaanyokha. Awo anikiihana, "Namwaanyokha athiyana." Muupuwele, awo yaamwiihana Paulo namwaanyokha athiyana. Muthiyana mmosa murumeyi, woohikhala khalayi, iirale, "Oh, nyuwo muri ntoko Paulo a khalayi, sothene aarin'awe wira waari onipwapwela hiyo athiyana."

<sup>189</sup> Mutthu ooreera murima a Muluku, aatthuniheriwe omulepa Bibilia, Waataana Wa Naanaano, vano ovaanyihana ni Masu awe? Owo iirale, "Nlaikha na Wirimu naaixuttihaka etthu p'itthu ohiya Ela miyo kihimaly'aka, nitakhaliwe," khivatempwe muthiyana mulaleyi.

<sup>190</sup> Awo yaahimya wira Eliya aari mulipa-oowaanyokha athiyana. Owo khaari mulipa-oowaanyokha athiyana, a athiyana ooloka. Owo khaasiveliwa paahi ni ma Yesapeli ale.

<sup>191</sup> Nto vakhala siiso, weso ohaana okhala Muluku orina okhala siiso, okhala wira Owo ti Masu anaarweela maprofeta. Tivo ohaana okhala Muluku, enamuna emosaru, tivo, moone, Owo onnisuwela opattuxa w'ephattu, "okhuma wopaceryani," Owo iirale, "okhuma wopaceryani." Awo yaari maprofeta Masu jaarweel'aya.

<sup>192</sup> Ni Owo aampanke owo mwaha wa mulopwana, kahi mulopwana mwaha wa owo. Mwaahisuwela yeeyo, wira, "Muthiyana opattuxiwe mwaha wa mulopwana, ni kahi mulopwana mwaha wa muthiyana"? Akavi ansuwela yeeyo?

[Muthukumano oniira, “Amen.”—Mol.] Bibilia onniixuttiha yeeyo. Vaareera. Owo aavahiwe nipuro mwa mulopwana, ahinatthi omora, voolikana vasulu va soopattuxiwa sothene. Masi “nuumala” omora, vano va hiyo ninihimya mwaha ene. Masi “nuumala” omora, owo aari nammuruma awe, muthiyana ohaana okhala oomaala mwa myaha sothene, vano vamanly’aya opacerya w’ephattu.

<sup>193</sup> Yesu iirale, “Wopaceryani khayaari siiso.” Ti vaavo okathi waapaceny’aya, okathi Muluku opakaly’awe wopaceryani moopattuxani Wawe woopacerya. Othene ale aniiwa saana, yiire-tho “amen”. [Muthukumano oniira, “Amen.”—Mol.] Wopaceryani Muluku aampattunxe oolopwana mmosa paahi ni oothiyana mmosa. Masi nto muthiyana aapakiwe voovirikana ni axinama, axinama akina othene, wira awokeke. Vano nwehe vano, “Wopaceryani khayaari siiso.” Owo aahipakiwa, owo aakhanleru mwa mukhalelo woopacerya, owo khaarowa okhala m’omorani. Masi ooruuha omora ni ethikilelo ethikileihale ekelelo ohoolo yothene ya Muluku, khuruuha okhwa, ohaawa, ni sothene sikina, mulaponi. Owo opakiwe siisa.

<sup>194</sup> Vano nwehe. Vano, *nuumala* epacerelo, *nuumala* epacerelo, *nuumala* okathi opacerya; ottuli wu, yaari Ehimalelo, khumala. Nwehe, nuumala omora iwo waakolomolihiwe ni Hawa, nuumala omora, waahitthunaneya opakiwa waataana okina. Vano ela enoorowa wootikinihani, masi kinrowa woovahani Yolempwa wira yooniherye wira ela Ekeekhahi. Vano nwehe nuumala omora, Yesu oohimya... Muluku, wopaceryani, aampanke mmosa a khula muxovo; masi vano, nuumala omora, vano ninrowa ovikana yeeyo. Waataana waari woolikana; masi vano, nuumala omora, wookhala waataana okina opakiwe. Vano muthiyana kahiyo-tho mulipa ooruma ni mulopwana, khula mmosa ohaana okhalana waataana woovalaanihiwa.

<sup>195</sup> Vano nrowe noone yaakhanleene yoolikana. Nrowe nikuxe Mwaphattuwelo 3, nisuwele yaakhanleele yoolikana, vano nikelalaka ohoolo, ’okhala wira ninthuna nikhale ookupali itthu iya, wira iyo sinniixuttihiwa ni wooniheriwa ekeekhai voolikana. Wira khino vaava va ninookhalana okathi vakhani, ’okhala wira khanikhanle ottaiwenexa wa wookiseryani vano, wira niphiverye nipuro nookiserya na mwah’ola, wira nooniherye *mwaha wa xeeni* ni *xeeni* sa omwalana, ni siiso. Vano mwa Maphattuwelo kapiitulu 3, ninrowa opacerya vano 3, ni eversiikulu 16. Nrowe nipacerye eversiikulu 14.

*Vano APWIYA...yaahihimeerya enowa, (vano Awo anrowa otakhaliha), Okhala wira ohii—ohiira siiso, nootakhaliwa wa inama sothene, . . . wa inama sothene sa mutakhwani; ni onamwiipurulaka n’irukulu awo, onamoolyaka etthaya mahiku othene onthun’awo okhala:*



*Miyo kinoowinaniha weyo ni muthiyana, ni nloko n'awo ni nloko na muthiyana; nto owo onamoonyakela muru, ni weyo ophavelaka omuluma nnawu. (Natiri, "onoorwa aviraka mwa muthiyana," Mesiya, wira avuluxe.)*

*Vano yaahimuhimeerya muthiyana, . . .*

196 Vano nkawehani, vano vo ori waataana ni enowa. Yeeyo, awo yaari saana othene khalayi ene, wopaceryani, wala ohinatthi ophiya wopaceryani.

*Vano muthiyana yaahimuhimeerya wira, kinimuncererya ohaawa wanyu n'urupala wanyu; ni moohaawani munimwaayara aana; otthuna wanyu onrowa okhala wa iy'anyu, vano owo onimoorumakani, (Vooikhala-tho olikana vamosa nnakhala.)*

197 Vano muthiyana oorukunxa eyo, nto owo t'onruma.

*Vano yaahimuhimeerya Atamu wira, Okhala wira muhiwelela nsu n'amwaar'inyu, khulya muhokorokho wa mwiri, koolenlyakani, kiiraka, Muhilyeeke . . . yoowo: etthaya yootakhaliwa (khaamutakhalinhe Atamu, vano) etthaya yootakhaliwa mulattu wa nyuwo; munoohaawela yoly'anyu mahiku othene eekumi anyu;*

*Miwa . . . n'ikhuukwa enimoophuwelani; nyuwo munamoolyaka mihokorokho sa mutakhwani;*

*Ni munoophwanyaka yolya n'urethela wo wiitho wanyu, mpakha otthikela mutthayani; okhala wira mu—mukumihiwe vaavo: tthiri nyuwo mw'etthaya, munootthikela-tho mutthayani.*

198 Waataana miili. Vano eyo ennimaliherya "wopaceryani," Yesu ohimaly'awe, "Wopaceryani khayaari siiso." Nookhalana waataana okina vano. Nwehe, iwo waataana okina. Vano wookhala waataana wa muhokorokho, ni ele ekumihiwe mwa muhokorokho. Nwehe, omora waahiruuhela mukattiyamiho, okhwa, soopattuxiwa sothene sa opattuxa, ekthalihaka evirikanelo mwa ephattu yothene. Vano nrowe niwehe ele Yesu ohimaly'awe ya, "wopaceryani khayaari siiso." Vano kahi siiso "okhuma," vano ti "nuumala" wopaceryani. Vano wookhala waataana miili.

199 Woopacerya waari waataana paahi, Atamu ni Hawa yaamulikana, mulopwana mmosa ni muthiyana mmosa. Vano muthiyana khuttheke, ni (owo oniira-ni?) eyo yaahaakeliha othene aya mookhwaani, nto Muluku aahaana opaka waataana ni yeeyo, waatana okina. Va eri vaava va mwa Maphattuwelo 3:16, Owo aapanke waataana okina.

200 Vano eri wira olumwenku okhalihawe atthu, kahi ni opattuxa woopacerya wa Muluku, ntoko wopaceryani, kahi ni opattuxa woopacerya, masi ni otthuna w'ekhap. Vano eyo

ennikuxa muteko wa “wopaceryani,” khenikuxa? Wopaceryani aari mulopwana mmosa paahi ni muthiyana mmosa, oolopwana mmosa ni oothiyana mmosa; masi vatuphaly’awe mukaano ole khuruuha etampi ila, vano olumwenku ori wira okhalihiwe-tho atthu, ni ekhapa, kahi ni opattuxa; ni ekhapa. Munnoona vary’awe muthiyana vano? Vano, masi ti siiso olumwenku onikhalihiw’aya atthu olelo, mwa athiyana.

<sup>201</sup> Mwaha wa yeeyo Yesu aahaana orwa aviraka mwa muthiyana, wira ahokoloxerye-tho w’ephattu awe yoopacerya, woohikhala otthuna w’ekhapa. Owo aayariwe ni harusi. Masi, aleluya, onimoorwa okathi ohinrowaaya-tho okhala ekhapa, masi Muluku onoorowa owiihana an’Awe okhuma mutthayani, otthikela ntoko saary’aya woopacerya, kahi ovira mwa muthiyana; masi mwa wuupa w’oloka ni waarya wa elapo, ni patarooya, Owo onoorowa opattuxa-tho ntoko saamupattuxaly’awe Atamu emaara yoopacerya. Yesu aahiiriha yeeyo oweryaneya, mwaha wa Muluku ompaka Owo Mutthu khurwa mulaponi wira akhwe, aviraka mwa muthiyana’ola. Vano okathi wo weereriwa, ni etampi.

<sup>202</sup> Vano munnoona nto, “numala” wopaceryani, yaari etthu ekina tho yaakelihiwe. Vano ela enoorowa wootikinihani. Muhooceya? [Muthukumano oniira, “Nnari.”—Mol.] Mukilaathi paahi okathi vakhani paahi.

<sup>203</sup> Nto okathi waataana miili opakiw’aya ni mulopwana ni muthiyana, mwaha w’ekhapa, waataana okina voomalela (kahi waataana woopacerya, masi waataana okina), vano exeeni yaakelihiwe? Waatteya, mwa sothene. Vano, numala wopaceryani, waatteya waahikelihiwa mwa soopiili mwa mutthu ni mwa inama; numala wopaceryani, emorelo. Muluku vano, vanenli, onikhaliha mukhalelo mukina-tho, mwaha w’ekhapa. Muluku aapattuxale woopacerya vooikhala ekhapa. Munnaamini yeeyo? [Muthukumano oniira, “Amen.”—Mol.] Vano ola waataana okina ni ephattu, Owo onikhaliha mwa eyeettiheryo ekina, mwaha w’ekhapa. Waataana wa neili: oolopwana mmosa, oothiyana anci-ene; ethove yoolopwana emosa, nikoto ntero na ithove soothiyana. Eyo ekeekhaii? Emompe yoolopwana emosa, nikoto ntero na inyompe, soothiyana; muthupi mmosa, ekintali ntero yoosareya mihore. Eyo ekeekhaii? Davidi mmosa, yoowo oothariha murima Awe, n’axaara imiya thanu; ni aana emiya ooyareliwa yoowo, mwaakha mmosa, a axithiyana oovirikana, ham-ham, mutthu ntoko saathun’aya murima wa Muluku. Salomoni mmosa, n’axaara ekonto emosa. Masi nwehe vano, wopaceryani khayaari siiso, masi vano ti “numala” wopaceryani. Muthiyana ohiira ela, nto owo onikhala ele ery’awe vano. Munnona?

<sup>204</sup> Davidi, mwene aamuthoonyerya Kristu! Mukhalane eyo mmuupuweloni mwanyu. Davidi aamuthoonyerya Kristu. Munnaamini yeeyo? [Muthukumano oniira, “Amen.”—Mol.]

Kristu okilanthé...onrowa okilaathi veehiceni vawe. Nto Davidi ula, mutthu ntoko saatthun'aya murima wa Muluku, aarina axaara imiya thanu. Munnoona enihimya'aka? Davidi n'axaar'awe imiya thanu, Salomoni ni awawe ekonto emosa. Ni Salomoni ti mwaana a Davidi, v'erutthuni; yoowo onimuthoonerya Yesu Kristu, Mwaana a Davidi, mwa erooho. Masi eyo ekumi y'erutthu, mwaha w'ekhapa. Ela enrowa okhala y'erooho, yoopattuxiwa, vano, yoopattuxiwa. Munnona? Ti siiso yaary'aya wopaceryani, masi kahi vano mw'ekumi ila ninkhal'ahu-mo vano.

<sup>205</sup> Nwehe, muhivonye ela vano, mukuxe mmurimani mw'anyu. Masi khaavo hata mmosa w'athiyana ale yaakhanle okhalanaka hata iya mmosa mukina. Mulopwana ti yoopattuxa yoopacerya, kahi muthiyana. Khaavo hata mmosa w'athiyana ale yaakhanle okhalanaka iya mmosa mukina, masi iya mmos'ole aamuwerya okhalana axaara ekonto emosa. Eyo ti SIISO ANIHIMYA T'APWIYA. Owo Bibiliaa. Vano miyo kirootthika, woohaakuba khuwoonihani ottuli wu weiwo eyo epaceny'aya-wo, etthu Yesu ohimaly'awe. Vano munnoona oratteene? Awo yaaniwerya okhalana anci-ene. . .

<sup>206</sup> "Oh," nyuwo muniira, "eyo yaari ya Isarayeli paahi." Ti yeeyo?

<sup>207</sup> Abrahamu vamukuxaly'awe Sara arowaka elapo y'aFilisti, aahikhala mwene iwe iitthaniwa Apimelekhi. Ni Sara aarina iyaakha emiya, mwa yeeyo, masi owo aahirukunxiwa khukhala mwali khukhalihwiwa ooreera. Moosuwela yeeyo? [Muthukumano oniira, "Amen."—Mol.] Vaareera. Nto Apimelekhi aanimutthuna wira akhale mwaar'awe. Munnuupuwela Mutthak'aka wa yeeyo? Apimelekhi aatthuna omukuxa Sara wira akhale mwaar'awe. Alakela aahikhala ethhoko ntero, masi owo khaakhanle omukuxaka vakhala wira aatheliwe ni Abrahamu. Tivo Abrahamu aahimwiirela Sara, "Muhimye wira mwa, 'murokor'aka,' okhala wira owo onookiiva wira ookuxeni." Xeeni owo ahaamoomolenly'awe Abrahamu mulaponi, amukuxa mwaar'awe arowa? Eyo khayaari ekano w'alipa-oowaamini paahi, masi w'atthu othene moopattuxiwani. Natampi wala ooreera murima, nyuwo munimwaakhula, mulopwana, mwaha wa soowiira iya. Vale aari mwene pakawu. Akavi anuwela wira ehantisi iyo ekeekhai? ["Amen."] Owo Bibiliaa, Maphattuvelo, kapiitulu 16, woona waka.

<sup>208</sup> Nwehe, Apimelekhi aammukuxa wira akhale mwaar'awe. Owo aahiilikanyiha wira amukuxe mwali ula musya muHeperi. Nto owo khwira, "Ola ti awaka..." Owo khwira, "Owo ti murokor'aka."

Owo khwira, "Ole murokor'aka."

209 Nto Apimilekhi khwira, “Miyo kinoomukuxa pahi akhale mwaar’aka nto.” Mwaamuwerya omuththokelela mulopwana airaka etthu siiso? Masi owo aahiira.

210 Vano nto ohiyu yoole, varowaly’awe orupa, Apwiya yaahimukhumelela moolohani, khwira, “Apimelekhi, munoophwanya okhwa.” Owo aakhapelela yeeyo, ephome eyo y’eYuta vale, moone. Owo khwira, “Munoophwanya okhwa. Munthuna omuthela mwaara a mulopwana mukina.”

211 Owo khwira, “Pwiya, Nyuwo munnisuwela exariya ya murim’aka.” Khwira, “Owo khakihimenrye wira aari ‘murokor’awe’? Owo mwaneene khahimnye wira, ‘Ole murokor’aka’?”

212 Awo khwira, “Koosuwela exariya ya murim’anyu, mwaha wa yeeyo kihootthunihenry’akani okitthekela Miyo.” Eyo ekeekhai? Khwira, “Mmuhokoloxerye mwaar’awe, okhala wira mulopwan’owo profeta Aka. Nto voohikhala wira munoomuhokoloxerya mwaar’awe...Ni omuvekela owo woovekelelani, kahi namukuttho anyu. Owo aahoovekeleleni, elapo anyu yothene yoopweteya.” Amen. Awo ti mahala maalupalexa. Ekeekhai. “Elapo anyu yothene yoopweteya. Owo mwaara a mulopwan’ole, nto owo profeta Aka.” Amen. Eyo ti SIISO ANIHIMYA T’APWIYA. Iyo ti Soolempwa. Khweeli.

213 Vano hiyo ninnoona wira, okhwa waahikolomoliwa. Okhwa mwaha w’etampi ya muthiyana, oruule mwaha wa muthiyana kahi mulopwana. Mwaha wa enamuna y’okhala makhalelo awe, ni mwaha wa yoowo, okhwa wothene onnoorwa. Enamuna awe y’ovaha ekumi okhwa. Akavi ansuwela yeeyo? Yobi 14, mwaatthunaka vale olepa Soolempwa.

214 Kookhalana, mwakoha vale yeela, kookhalana Soolempwa silempwe wa sothene iya.

215 Mwatthuna vale osoma Yobi 14 vale, Eyo enihimya wira, “Mutthu oniyariwa ni muthiyana t’a mahiku vakhani, ni oosareya mikattyamiho.” Eyo ekeekhai? “Owo onkhuma ntoko ethutu, onimuuma, ononyaala naanaanoru,” ni siiso. Munnona? Khula mutthu oniyariwa ni muthiyana, oniyariwa mookhwaani arwaaka-ru.

216 Masi owo ayariwa-ru moopattuxani mwa Muluku, owo khankhwa; owo t’a Mwiri ule mukina waari omatta w’Edeni, Kristu. Ekumi Ehinimala enoorwa ni Mwiri.

217 “Oh,” nyuwo muniira, “muthiyana aari mwirii?” Vekeekhai. “Ahe, eniriwa, ‘Muhilye sa mwiri ula.’ Muluku oohimya, mwa Maphattuwelo ottuli wu, ‘Muhilye mwiri ula.’”

218 Ahe, muthiyana ti mwiri. Owo mwiri wa muhokorokho. Nyuwo mwa muhokorokho w’ame anyu. Muhokorokho wa mmirimani ti nyuwo. Ti yeeyo. Vano nto muhokorokho wa Mwiri w’Ekumi, waari omatta w’Edeni, ti Kristu. Mwa muthiyana

onoorwa okhwa; mwa Mulopwana, mopattuxani moopacerya, enoorwa Ekumi. Oyariwa ni muthiyana onkhala okhwa; oyariwa ni Kristu enkhala Ekumi. Munniiwa saana? Ti vaavo. Vano munnoona otthu amuluku oothiyana arwans'aya-wo, khamunoono?

219 Atamu oopacerya ni Hawa yaamuthoonyerya Atamu ni Hawa anenli, moone, wuncerereya. Vano wuncerereya wa Atamu ni Hawa waari mwaha w'ekhapa, wira asariheke elapo, masi wopaceryani khayaari siiso. Muluku aamupanke oolopwana mmosa ni oothiyana mmosa paahi, ntoko Owo saapakaly'awe soopattuxiwa Sawe sikina, moone, vaxariya, ntoko Ekereja tu.

220 Vano nrowe, noonaka Ikeekhai iya soolipiheriwa ni Muluku, nitokose-tho vakhani, mwatthuna vale. [Muthukumano oniira, "Amen."—Mol.] Vaareera. Vano ela pooti wiiniha murima vakhani mpakha niphaye v'erimarima va mwaha ene, masi kinrowa owoonihani paahi Ekeekhai aya.

221 Khaavo murumeyi okhanle omuthelaka naamukhweli. Mwaanisuwela yeeyo? Munnitthuna osoma yeeyo? Vaareera, mphavele m'Onamukuttho, Onamukuttho 21:7 ni Ezekiyeli 44:22, ni Eyo enoowoonihani wira onamukuttho khawaari wira omutheleke muthiyana okwannyiwe ni mulopwana. Ethoonyeryo ela ti ya harusi Mwaakameliwa a Yesu Kristu, okhala wira awo yaarehererya Mooro wa Muluku, anamukuttho yaanirehererya, aana a Aroni. Hiyo khanirina okathi w'osoma Eyo yothene, n'ukhuma othana eriyari, nirina minuutu miloko miili nlelo. Nto ale t'ana a Aroni yaarehererya mo—mo—Mooro wa Muluku, tivo awo khayaakhanle omuthelaka muthiyana aakwannyiwe ni mulopwana mukina. Muluku ohinrukunuwa ohimye siiso. Awo khayaakhanle omuthelaka muthiyana mukina, ni muthiyana aakwannyiwe ni mulopwana mukina, yooniheryaka mwa ethoonyeryo va, mwatthuna vale woona yeeyo, wira Ekereja ya Muluku mukumi ti yooloka, yooihononiwa, Masu a Muluku, nto kahi muromolelo oreheriwe ni mutthu.

222 Nwehe, nrowe nisome ela va. Kintthuna kooruheleni nyuwo. Matewu 5, Yesu oolavula va etthu eri yuulupale y'ekumi saana. Nintthuna noone yeeyo, Matewu 5. Koolepa mw'awaka . . .

223 Miyo kookweretha itthu kamosa-kamosa kaarowaaka waahimeerya alopwana paahi, tivo yaary'aya yoorika saana ohimya ohoolo wa'axinn'ihu athiyana. Masi kintthuna ki—kikhume va naanaano ehinatthi . . .

224 Vano, munna muthiyana, kintthuna kooheleni nipuro Masu a Muluku yoolaihenry'ayani, nto nyuwo mphavele okhala nipuro nenlo, nave.

225 Matewu 5:32. Kintthuna nwehe va, wira nikhaliherye muupuwelo yoola wa “mmosa” ni “anci-ene.” Matewu, miloko miraru- . . . Kinoona wira Matewu 5:32, 31 opacerya.

*Vaahihimmwa-tho wira, Ole onimuhiya mwaar’awe, anvaha etalakra yomwalana:*

226 Owo ti Yesu alavulaka, Ole ohimye wira, “wopaceryani.” Vano nwehe.

*Nto Miyo kinooleelani wira, Ole onimuhiya mwaar’awe, ohikhanle . . . mwaha wa mararuwo, onnimwiiriha owo oraruwa; . . . (moone) ole onimuhiya mwaar’awe, ohikhanle . . . mwaha w’enamuttompe, onnimwiiriha owo oraruwa: (Mwaha wa xeeni? Owo onootheliwa-tho.) ni ole onimuthela muthiyana oomwalaniwa owo-tho onooraruwa.*

227 Moone, owo ookhalana iy’awe mukumi, tivo khaavo mulopwana okhanle omuthelaka. Voohicala etthu iiraly’awe ni wira owo ti pani, owo ookhalana iy’awe mukumi, khiivo hata milipiheryo nnakhala. Masi, kahi, ya mulopwana. “Onnimwiiriha muthiyana,” kahi mulopwana. Munniiwa saana? Muhaana okhalaha Masu weetta ekelelaka ohoolo. Moone, khiivo enihimya wira mulopwana ahithele, masi muthiyana ahitheliwe. Moone, “onnimwiiriha muthiyana,” kahi mulopwana. Eyo vekeekhai t’ile Bibilia enihimya’awe, “onnimwiiriha muthiyana.” Khenihimmwa mulopwana okhoottihiwa othela, masi “muthiyana.” Mwaha wa xeeni? Kristu ntoko ethoonyeryo.

228 Nwehe, enihimmwa wira owo ahithele-tho, woohikhala harusi paahi. Owo pooti othela-tho. Owo pooti oth- . . . owo pooti othela-tho akhalaru harusi, masi owo ahimutheleke mwaara a mulopwana mukina. Nnakhala vakhani. Nto owo amuthela muthiyana omwalaniwe, owo onkhala mooraruwani, hata wira ti pani. Bibilia onihimya wira, “Ole onimuthela muthiyana omwalaniwe, onkhala mooraruwani.” Eyo vo, hata oomwalaniwa.

229 Munnoona eyo yoopacerya ottuli iwe, “wopaceryani,” vano? Othela-tho, vano nwehe, mulopwana pooti, masi muthiyana nari. Ntoko Davidi, ntoko Salomoni, ntoko okelela ohoolo wa Bibilia othene, vano, siiso ntoko Davidi n’akina.

230 Vano nwehe mwa aKorinto Oopacerya 7:10, nwehe, Paulo onimuruma muthiyana ori, onimwalana n’iy’awe, akhale ahitheliwe ahiiso atthikelane, kahi otheliwa-tho. Owo ohaana okhala ahitheliwe, ahiiso atthikelane n’iy’awe. Owo ahitheliwe-tho. Owo ohaana okhala ahitheliwe, masi, nwehe, owo khamukhanle mwaha wa mulopwana. Moone, khamukhanle okhalihaka Masu wootha. “Wopaceryani,” ekano y’ekhapa mwaha wo waatteya. Vano, Masu a Muluku aneetta voolikana ntoko mukhalelo wa Muluku, oneetta okelelaka ohoolo.

231 Munnoona moota okhanly'aya muupuwelo mmosa oronwe onikhuma nsuwa, nto mukina okenly'aya onkela nsuwa, wa yeeyo? Muhaana otthikela Ekeekhai, wira musuwele exeeni iyo.

232 Kweekwe enikhalaka siiso, iwo ti waataana wooloka ni Muluku okhuma wopaceryani. *Yoopacerya*, ohinatthi wopaceryani, okhuma wopaceryani aari paahi mmosa ni mmosa. *Nuumala* etampi okela, vano khukhala mulopwana mmosa nikhuru n'athiyana; enetta siiso mw'ephattu, khula mwaamunama, n'atthu ni erutthu y'ephattu mwaamunama. Hiyo ninnaamwa, hiyo noosuwela eyo, hiyo othene, moone, nto eyo ti ephattu ya Muluku enkelela ohoolo.

233 Masi vano Ikanyeryo sitaphuliw'aya, Eroho y'Ekeekhai enineettiherya Masu. Eyo enninihimeerya mwaha wa xeeni soovonya sothene siiraney'aya moovirani w'okathi wothene, okhala wira Ikanyeryo khasaataphuliwe, Ela khayupululiwe. Eyo ekeekhaii.

234 Nwehe, nyuwo, khamukhanle ovonyihaka iruku iya. Ntoko soolalenry'akani nsana ohiyu kihimyaka mwaha w'eruku vathi, ehaana okhumela oratteene. Vanweryaneya sayi okhala eruku y'etthepo ekhumelaka vathi, vano mulopwana mmosa, ooyeva erutthu oorakama anaisooniherya okhala etthepo, wala etthepo okhala mulopwana ooyeva erutthu oorakama?

235 Vano mwaweha vale mwa ethoonyeryo yoolikana.

236 Vano, ookhala muthiyana ooloka, muthiyana, ooloka harusi, ontheliwa n'iy'awe, onakhala, nto eyo etthu yooreerihiwa wa mulopwana. Vakhala wira Muluku aahaana onvaha mwan'Awē etthu yooloka onvikana mwaara, Owo aarowa omuvaha yeeyo.

237 Masi owo otthokiheriwe wira akhale eyiirelo y'ekhapa, ni khaavo hata mwaamunama mukina otthokihiwe siiso. Khiivo hata yoopattuxiwa emosa elapo ya vathi etthokihiwe siiso. Mwaha wa yeeyo munoon'anyu waatteya, mwaha wa yeeyo. Ti yeeyo ekelinhe.

238 Vano nkawehani, w'otokosani wookiserya, nkawehani, ori Yesu Kristu mmosa (eyo ekeekhaii?), Mutthu mmosa, Muluku, Emanuweli. Munnaamini yeeyo? Masi atthu a Mwaar'Awē khareere, moone, ikonto imaara ikonto ikonto sene (eyo ekeekhaii?), Mwaar'Awē, Mwaakameliwa, Ekereja. Munniwa saana vano?

239 Mwaha wa yeeyo Owo aamuhimenry'awe Atamu, ekhapa ehinatthi othuperiwa ahiiso okelihiwa, "Muncerereyeke, musareyeke mulaponi," okathi owo aary'awe nlelo wopaceryani, okathi aary'awe soopiili oolopwana ni oothiyana mwa yoowo mwaneene. Vale, ennooniherya nto wira Mwaakameliwa ohaana okhuma mwa Masu, ni wuncerereya wa muroohoni, wuncerereya, moone, osareya mulaponi.

240 Vano voowiirani ekhapa, moone, miyuupuwelo sookhalana itthu iya piili sootakanxeya. Tivo ehiiriweke siiso, muhaana oruuha ohokoloxerya mw'Ekeekhai ya yeeyo, "wopaceryani."

241 Nto wookiseryani onookhala Pwiya Yesu mmosa, ni Mwaakameliwa Awe anci-ene, mmoseene. Munniiwa saana? Aari Davidi mmosa veehiceni emosa, mwene mmosa (ntoko sintthun'aya murima wa Muluku) n'axaara imiya thanu. Yesu okilanthene Veehiceni Vawe (Aleluya!) oMileenyu, ni Mwaara mmosa; ntoko saary'aya wopaceryani, oopattuxiwa okhuma vatthayani, ni ntata na Muluku Oowerya sothene, woohihimuwani, wa atthu anci-ene. Eyo vo.

242 Athiyana, mwiilipihe wira mukhale yeeyo, mukele mwa Kristu, vano khamunrowa okhala mw'evitikavitika eyo yoonanara ota iwo. Masi mwaakhalakaru mutthu a mukereja paahi mphavelaka okhala volakeya ni oreera murima, mmansinyu, khamunrowa ophwanya eyo. Nnakhala mulopwana khanwerya ophwanya eyo ota wa Kristu. Ntoko Paulo sikelenly'awe ohoolo ahimyaka wira, "Masi mmo, mwa Kristu, khuuvo mulopwana wala muthiyana." Othene ari mmosaru.

243 Masi wira nilakiherye *Othelana Ni Omwalana* nno, wira musuwele exeeni yaari yooreera ni xeeni yaari yoovonyeya, vano Owo onninooniherya va oratteene mwa ithoonyeryo iya. Ori Kristu mmosa, ni atthu anci-ene a Mwaara yoowo. Nwehe, Owo onoowerya onimwalana mwaha wo oraruwa wa muroohoni ni mwiixuttiho woowootha, okathi p'ukathi ontthun'awe; masi nyuwo muneererya sayi omuhiya Owo, khunakhala saana? Mulopwana onoowerya omuhiya mwaar'awe amuthela mukina; masi kahi muthiyana omuhiya iy'awe khutheliwa ni mukina. Munnooni iruku sothene ni ithoonyeryo vo silikann'ya oratteene? Nkoonani opattuxa woopacerya; kahi yoopattuxiwa ekhumme mw'ekina hata nipuro. Kahi ekereja; Mwaakameliwa mwa Masu. Kahi muthiyana; mulopwana, khula okathi. Tivo ehinihimy'aya etthu ya nthowa wa mulopwana wira yeeyo; kweekwe muthiyana. Eyo ekeekhaii.

244 Masi owo onoowerya okhala Mwaakameliwa a Kristu, okhalaka...Ni muupuwele, owo akhalaka epante ya mulopwana, Bibilia ohimnye wira owo pooti on-... "Nkinimuhiya muthiyana wiixuttiha, nnakhala okhalana oruma, masi ekhaleke oomaala. Okhala wira Atamu t'opacenrye opattuxiwa, vano nto Hawa. Ni Atamu khoodothiwe, masi yoopattuxiwa ekumihwe mw'ekinayaahootothiwa. Vano onimoopowa mwaha w'okhala maama, owo aakhalakaru nthiti oreera murima, ni wisumaaliha ni sothene iyo," okhala wira nto owo onkhala epante ya mulopwan'ola. Ti yeeyo eniruuha... .

245 Mwaha wa xeeni Abrahamu ahaa...Mwaha wa xeeni Muluku ohimwiiva Sara akilanthene vaavale vale, akhoottaka, ni oothaka ohoolo wa Muluku? Akilanthene vale ntoko Mutthu



onookhwa, akhuuraka enama, akhuuraka mukatthe, awuryaka eleethi, nto Owo khwira, “Sara otheyenle-ni ottuli iwe,” ottuli Wawe, muheemani, Owo khaatonko omoona, “ahimyaka wira, ‘Vanweryaneya sayi itthu iya?’”

<sup>246</sup> Owo khwira, “Miyo nkinahimyeke eyo!” Oh, ooh, wulu! Omwiirela Muluku wira Owo nawothee, wiitho Wawe? Masi Owo khaakhanle omukuxaka. Mwaha wa xeeni? Owo aari epantte y’Abrahamu. Amen. Owo khaakhanle omuhooxaka ahimuhooxale Abrahamu.

<sup>247</sup> Vano nyuwo athiyana moone vatthu munilikanel’anyu. Ni Bibilia ohimye wira, “Nyuwo athiyana mukhaleke ntoko saary’awe Sara, aawaraka ikuwo voophwanela-vo, aakhala vaxariya ni ooromeleya w’aiy’awe, amphentaka vanciene mpakha owo...vaamwiihan’awe ‘pwi’y’awe,” mulipa-oomuruma, omwaneene.

<sup>248</sup> Nto nyuwo, athiyana kamosa-kamosa, munwara ikuwo iya soohiloka n’ukhumela nno wira mwiisoonihe ohoolo w’alopwana. Yesu ohimye wira, “Ole onimuwaha muthiyana amuwereihaka murima oomala oraruwana vamurimani wawe.” Vano t’ani otthenke, mulopwana wala nyuwo? Owo t’olopwana oopakiwa wira akuxe mwiirelo yoola; nyuwo mwa oothiyana, mwaahaana okhoota.

<sup>249</sup> Vano xeeni nyuwo wiisoonihaka siiso? Kahi mwaha w’ohakalala, moosuwela wira khenweryaneya okhala, okathi munihalel’anyu okhwa mwaha w’oriirya ni kaputtul’owo. Moone, kahi mwaha w’ohakalala. Vano exeeni iyo? Ti ya itthu soonanara! Nyuwo khamunrowa okupali iyo, masi ti Bibilia onihimya siiso. Eyo Ekeekhaii. Eyo erooho yootakhala eri mwa nyuwo. Nyuwo khamunthuna okhala ootakhala; masi nyuwo khamunsuwela, muroohoni nyuwo mwa ootakhala, okhala wira nyuwo muniisooniherya ootakhala.

<sup>250</sup> Vano, mulopwana, makuth’awe, ooriipa, a mathekeneke, owo vaakhanle wira khowanre hata ekuwo nnakhala, khivaarowa ovirikana, erutthu awe kheneererya. Mwaha wa xeeni? Owo aari moopattuxiwani moopacerya, mukhalelo wa murima; aahaana okhala, moone. Masi, nyuwo mwa yoopattuxiwa ekumihawe mw’ekina, wira mweereryeke ni yeeyo.

<sup>251</sup> Muluku, animorele ikharari! Oh, wulu, olumwenk’ula w’etampi! Kinootteeliwa murima wamala vale.

<sup>252</sup> Nwehe, Owo onoowerya omuhiya mwaar’Awe khula okathi Owo onthun’awe, masi muthiyana khokhanle omuhiyaka Owo; Owo onniwerya okipaka, Owo onniwerya okirihela mutthayani khula okathi Owo onthun’awe, masi, oh, munna, vanreerela kiheererye omurihela Owo memmo, koomalamala.

<sup>253</sup> Salomoni aaniwerya omuthela muthiyana ahaatheliwe, owo aaniwerya omuthela khula muthiyana owo aamutthun’awe.

Namukuttho aawerya paahi omuthela muthiyana aari harusi. Salomoni. . .

<sup>254</sup> Ntoko Davidi, owo aamuthenle (nsina nawe aari pani?) Apikayili. Yoowo, aakhanle mulopwana mmosa iihaniwa “mulolo,” owo aarina mwaara ooreera, vano owo khukhwa. Nto Apikayili khutheliwa ni Davidi; owo aari mwene, kahi namukuttho, moone, vano owo—owo khimuthela.

<sup>255</sup> Masi namukhuttho khaakhanle wira yeeyo, okhala wira owo aahimukwannya wala aahikhalana muthiyana wira akhale mwaar’awe yoowo aatonko okhala mwaara a mulopwana mukina. Vano eyo enooniherya oharusi wa Ekereja ya Pwiya Yesu Kristu, Mwaakameliwa ohaana okhala oohihononiwa, Masu, hata Nuulumo nimosa noohaleela hata nipuro. Vekeekhai. Mwaamuwerya omuthokelela mwaakameliwa ooloka, okhalana nipele noosusa, ni, mukina, etthu ekina yoohiloka, moosuwela? Owo khanrowa okhala Mwaakameliwa a Kristu. Owo t’oloka. Owo Masu mwa sothene, hata Nuulumo nimosa noohaleela hata nipuro. Nnari.

<sup>256</sup> Nwehe, Owo onniwerya omuhiya, masi muthiyana khokhanle omuhiyaka Owo. Owo ohiira, ohooniherya, mahiku Lutero, Wesley, ni Pentekosite, yaakhoottaly’aya okhala epantte ekina ya Yoowo mwaha wo okhalana eyiirelo y’ekhapa ya muroohonini wira erupale ni epantte ekina ya Masu. Munniiwa saana? Eyo yaahikhootta. Ekereja Luteraana yaahimukhootta Kristu okhalana osiveliwa-tho ni yeeyo; Luteraana yaahikhootta. Nto mukihye kihimye ela, munoorowa okiihana etthu khula enamuna; siiso t’ery’aya olelo ni khula emosa wa seiyo, awo anoovonya okuxa Masu awo, awo annimukhootta Kristu!

<sup>257</sup> Ni khula muthiyana onimukhootta mwaana a mulopwana, khorina ehaakhi y’okhala mwaar’awe. Amen. Nyuwo munnuupuwela, mBibiliani, okathi mwene aamuthenly’awe Estheri? Okhala wira pwiyamwene aarookhootta, owo khimukuxa mukina. Nto okathi e. . . Exeeni yiiraneieye okathi owo waakhoottaly’awe okhuma ni mwene ni omwiiwelela? Etthu emosaru ni muthiyana onikhootta okhala mwaara a iy’awe.

<sup>258</sup> Nto enkhalasiiso ni ekereja enikhootta orupala okathi onkhal’ahu vano, wira yaayare aana a okathi ula. Hiyo khanihiyo aLuteraano, hiyo khanihiyo aWesley, nnakhala khanihiyo aPentekosite! Nihaana okhala aana a okathi ula, mwaha w’orupala ya Masu a Muluku, wira nimuyare Mwaana a okathi ula, Mwaana Epyo. Amen. Kinroromela wira munniiwa saana. Khayaawerya orupala, nnari, vano Owo iirale exeeni? Aaroomuhiya, amwalanaka. Ti yeeyo. Masi muthiyana khoneererya omuhiya Owo. Owo onnimuhiya.

<sup>259</sup> Owo aarokelela ohoolo uupululelaka Masu Awe Erutthu, ni emulipiheryaka Yoowo, mmosaru, mwa yoowo Mwaneene.

An’Awe khupacerya niireke okhala oolattanexa ni Yoowo, okhala wira Eyo enoottokottha voomalela, ahiiso, awo ankhala aana a Masu, kahi aana a ekereja. Aana a Masu! Nto Mwaakameliwa onrowa okhala Muhano mmosa oophenteya mwaamukhaani a Masu, oohihononiwa, oohikwannyiwa ni mutthenkeso wa mutthu, hata muupuwelelo woopakiwa ni mutthu. Owo onrowa okhala oohihononiwa voolikaneene, Mwaakameliwa a Masu! Amen ni amen! Kinroromela wira munniwa saana yeeyo, osulu. Owo onrowa okhala mwaana oorupala a Muluku.

<sup>260</sup> Munnoona nttittimiho xeeni muthiyana okhanly’awe okhalaka? Moone etthu xeeni yuulupale ekereja ekhanly’aya okhalaka, masi munnoona vatthu soonanara eroihaly’aya-wo? Vano ophavela olikanyiha ekerej’ele iwe ni Ekereja ela nno, khamukhanle wira. Ni ophavela omulikanyiha namuttompe a mphironi ni Ekereja ya Muluku mukumi; wala muthiyana, muthiyana ooloka, ni namuttompe?

<sup>261</sup> Sikhalenleni itthu ntoko iyo? Nlo nlamulo na Muluku, nlamulo na ivirikanelo. Ninrowa osuwela sayi onisivela waarya w’othana wahaakhanle ohiyu? Ninrowa osuwela sayi onisivela eyuumu yahaakhanle epula? Naarowa osuwela sayi onisivela ni omuttittimiha muthiyana eekeekhai, ahaakhanle-ru ole oohiloka?

<sup>262</sup> Ookelela ohoolo uupululaka Yeeyo, uupululaka Masu Awe, masi akhale mmosa a hiyo oneererya omuhiya Owo wira atheliwe ni mukina.

<sup>263</sup> Vano vekeekhai ti yoowooneya oratteene mwaha wa xeeni miyuupuwelelo soomiili sikhany’aya soovonyeya. Khivanweryaneyya oroiha epantt’ila, yoomalamala; mwaroiharu epantt’ile, yaammuhiya natiri ottuli. Va ori natiri, va eri etthu ene vaava va. Masu khaniivirikanya. Ahaana okhala ekelelaka ohoolo vano, siiso Matewu 28:19 ohimmuvirikany’awe Miteko 2:38.

<sup>264</sup> Vano, akina wa nyuwo athiyana, akina wa nyuwo alopwana, miyo—miyo koosuwela wira muno—munoovaanyiha Eyo. Okhala wira, moosuwela, khamunwerya ovitha eyo vano. Khamunwerya.

<sup>265</sup> Masi mukihiye kiwooniheni etthu emosa. Vakhala wira Matewu 28:19 himmye wira, “Murowe, mwawiixuttiheke atthu a maloko othene, mwaapatisaka ni Nsina n’Atithi, ni na Mwaana, ni Eroho Yowarya,” nto awo khurukunuwa, ni khula mutthu otonko opatisiwa khupatisiwa voovirikana ni yeeyo, khupatisiwa ni Nsina na Yesu Kristu, maana hata okathi wothene wa Bibilia ni mwa iyaakha imiya tthaaru nuuvira okathi wa Bibilia, mpakha Muthukumano w’Onicea. Vano awo khukhalaha makano nipuro na yeeyo. Evirikanelo xeeni, vakhala wira khayuu pululiwe?

266 Nto nyuwo moosuwela wira Eliivuru yothene, Bibilia othene, muupululo? Ti siiso murin'anyu osuwela ekeekhai varyari va emosa ni ekina, okhala wira Ola muupululo. Nto muupululo ohaana okhala woolikana ni Masu, kahi woovirikana ni Masu. Nyuwo muniira, "Ahe, miyo, miyo kihuupululeliwa." Vano yakhala yoovirikana ni Masu, khenarweeke ekhumaka wa Muluku. Ti yeeyo.

267 Vano nyuwo mwatthuna omukuxa Mat-. . .Matewu 16:18. Yesu oohimya, Mwaneene, wira Ekereja yothene, Ekereja Awe, yaarowa otekiwa vasulu va muupululo wa erooho ya yoowo Mwaneene, akhanle Masu. "Miyo kinooleelani, wira nyuwo mwa Petru. . . Ni kahi erutthu n'iphome ewuupululenleni, masi Atithi Aka ari Wirimu t'awuupululenleni. Nto vamwala va. . ."

268 Vano, miyo koosuwela, apatthan'ihu aKatolika iwo, nyuwo muniira, "Etekiwe vasulu va Petru, ni Petru murummwa, vano, *Lexe ni lexe*, vo wiiwanana w'arummwa, oranttelana."

aPrustante aniira, "Etekiwe vasulu va Yesu Kristu."

269 Kahi wira kikhale oovirikana, masi mukuxe ele Owo ohimaly'awe paahi! Owo ohimnye wira, "Erutthu n'iphome khewuupululenleni yeela, masi Atithi Aka ari Wirimu t'awuupululenleni. Nto vamwala va" (muupululo wa erooho wa ele akhanle Masu) "Kinooteka-vo Ekereja Aka; nto mikhora s'omooroni khasinrowa omoroxela Eyo vathi." Mwaar'Awe khonrowa ottehattehiwa ni mulopwana mukina. "Kinooteka-vo Ekereja Aka, nto mikhora s'omooroni khasinrowa ottikinya Eyo."

270 Ni Apeli ni Kayini, omatta wEdeni. Kayini aarina muupuwelo awe mwaneene, owo iirale, "Vano, nkawehani, Muluku ti Muluku ooreera murima. Owo ori vasulu va ephattu yothene, vano kinrowa ohepha ekhutte ni akharaka, ni kinrowa otthina ma—maluwa, nto kinrowa ompakela Yoowo altaari ooreera saana." Eyo ti wii ekereja. Owo khukokhora. Owo aanimwaamini Muluku. Owo aahimukokhorela Muluku, aahivenxa matata, khuvaha mukutth'ola. Owo aahiira sothene s'etiini Apeli iiraly'awe.

271 Apeli aamutenke altaari muthinto mmosaru. Masi Apeli varuuhaly'awe wawawe, owo aamuruuhale mwaapwittipwitthi. Vano, Kayini uupuwenle wira, opaka murette mwaha w'etampi, wira atithi awe ni ame awe yaalyiye muhokorokho, ntoko yiixutthiw'aya omatta iwe. Masi Apeli, ni muupululo w'eMuluku, aahisuwela wira yaari ephome yaakhumelelinhe. Ni muupululo w'eMuluku! Bibilia oohimya mw'aHeperi, kapiitulu 12, kapiitulu 11, wira, "Apeli, mwaha wo waamini," (muupululo) "aahinvaha Muluku mukuttho wooreerexa ovikana wa Kayini, yoowo Muluku aamuttotopenly'awe wira aari naxariya." Eyo ekeekhai? [Muthukumano oniira, "Amen."—Mol.] Amen!

Munna mulopwana, muthiyana, eri yowiiweyaxa ntoko etthu p'itthu yaakhanly'aya okhalaka, wa miyo. Vo eri etthu yothene.

<sup>272</sup> Vano mwaha wa *Othelana Ni Omwalana*, moone, ohaana wuupululiwa. Mpakha wuupululiwe, khamunsuwela. Masi Owo aahilaiherya mahiku ala ookiserya, okathi ula, wira khula esiiri yaipithihiwe mBibiliani yaamuupululiwa. Akavi anuwela yeeyo? Wiisuupulula, kapiitulu 10! Yesu aahihimya yeela, wira isiiri iya sothene saipithihiwe sa—sa *Othelana Ni Omwalana*, isiiri iya sothene saipithihiwe, saamuupululiwa okathi wookiserya. Vano muupuwele, Nsu niirale, “Murowe oTucson.” Munnuupuwele Waarya wootikiniha musulu? Nlaikha na neethanu n'eili neemenleene vale? kitthika, ni otaphuliwa wa Ikanyeryo Thanu na piili. Nkawehani etthu ekhumelenle. Eyo ekeekhaii.

<sup>273</sup> Vano vakhani-tho paahi. Masi vano, mwiiwe! Miyo koosuwela wira onnikhuveela okathi wa nyuwo orowa olya, masi miyo kinnoolya saana. [Muthukumano oniira, “Amen.”—Mol.]

<sup>274</sup> Nwehe, vano, muthiyana ookhalana opuro awe, ni owo nniyaa. Salomoni, mulopwan'ola aarina axaara ikonto muloko...ahiiso ekonto emosa, kiireke, owo ohimye wira, “Mulopwana onimuphwanya mwaara, oophwanya etthu yooreera.” Owo iirale, “Muthiyana ooloka onkhala nniya v'akharani vawe,” nlo nttittimiho. “Masi ole ootakhala murima onkhala maasi mphomeni mwawe,” eyo ekumi awe. Owo iirale, “Vanooweryaneya okhala mulopwana mmosa a xariya omphwanyaneya eriyari ya ekonto emosa,” Salomoni oohimya eyo, “masi,” khwira, “khamwaarowa omphwanya muthiyana mmosa ooloka muhina mwa ekonto emosa.” Salomoni oohimya eyo, moone. Vano nwehe yeeyo, moota ery'aya.

<sup>275</sup> Masi, moone, muthiyana, nyuwo mwa—nyuwo mwa nniya mwatthuna vale okhala nniya, masi otthuna ohaana okhala ni nyuwo. Nto nkoonani mwaha wa xeeni waary'aya *Othelana Ni Omwalana*, Yesu aathoonyaly'awe ottuli wu, okhala wira muxovo anyu t'okolomonle etampi yothene. Mwaha wa yeeyo waatteya ni omwalana, n'itthu, saakelihiwaaya. Wopaceryani khayaatonko okhala siiso, ni khenrowa okhala siiso olumwenku ule mukina.

<sup>276</sup> Nkanweheni Yakope, mwa yoowo akhumme axitiithi. Owo aarina axaara etuusiya ntero mano. Owo aathenle axinna aili, ni ohiya vo aahikhalana ahawala, athiyana aakhalan'awe voohikhala vanrum'aya ikano. Nto axitiithi ale yaayarasiwe ni athiyana ahawala. Eyo ekeekhaii? [Muthukumano oniira, “Amen.”—Mol.] Moone, muhaana okhaliha Masu yeettaka voolikana.

<sup>277</sup> Oh, kookhalana makukhu anihimya mwaha wa yaawo. Akhala namukuttho onrowa okikoha mwaha wa yeeyo,

khuthukumana, naamuwerya ovaanela yeeyo. Masi vekeekhai, owo akhalana-ru etthu ya erooho voomalela, onooowerya woona oratteene va wira Ekeekhaii. Khuuvo ohoverya Yeeyo.

<sup>278</sup> Muthiyana ooreera murima etthu yooreera. Miyo koosuwela eyo. Miyo koosuwela eyo ni athiyana eekeekhai. Miyo kihaasuwela athiyana eekeekhai akhanle ooloka, eekeekhai pahi ntoko mulopwana otonko weetta.

<sup>279</sup> Owo ti yoopattuxiwa ekhumme mw'ekina ni epantte ya yoowo, ni woomorani owo aahimwiiwelela. Owo paahi. . .Owo ti epantte ya yoowo. Masi, owo t'onihimya, owo onipakiwa wira akhaleke oohureya, ni onnivahiwa ehaakhi y'okhootta wala y'okupali. Eyo ti yoovirikana ni ephattu yoopacerya wopaceryani, moone, masi eyo vo.

<sup>280</sup> Vano ewoora yanamuloko ni piili, tivo kinoohiya etthu emosa va minuutu vakhani. Kintthuna kookoheni etthu emosa.

<sup>281</sup> Vano, muupuwele, kinihimeerya ela nikhuru naka paahi. Ni ota iwo musulu, kinaahimeerya ela ale anikitthara paahi. Mutthak'ola ti wawaya yaawo paahi, ni etthu enrowaaka ohimya va.

<sup>282</sup> Khula murumeyi, owo, eyo ti yawawe, ayo, owo ti makampusi a nikoto, owo aireke ele entthun'awe. Ti yawawe owo ni Muluku. Khula namukuttho, khula mulaleyi, eyo ti yawinyu, munn'aka.

<sup>283</sup> Miyo kinlavula nno paahi oJeffersonville, nipuro nimosa kaarowaaka olavula yeela, okhala wira nikoto naka yoomi. Nlo nikoto Eroho Yowarya nikivahaly'aya wira niiwe wira kikhale mulipa-oowehaweha, ni Owo onookikhaliha oowaakhula yeeyo. Ni athu aka ala arukunxale murima nno epantte n'ipantte w'elapo, yaawo kiweettiheny'aka wa Kristu. Nto, axinamwane, miyo kiri va wira kookhaliheryeni, ni ka mpatthan'inyu. Khino munuupuwela wira kinlavula koopwapwelakani; miyo kinihimya ela, moone, wa mureerelo anyu. Miyo kinnoophentani. Nto yaahikhale siiso, Muluku ti Mphuki aka. Moosuwela wira kinnoophentani.

<sup>284</sup> Ela etthu yoolipa saana, nkaasuwela moota w'ohimya. Kinrowa wira exeeni, kirineene alopwana n'athiyana akillanthe vamathukumanoni vaka, akina aya athenle wala atheliwe-ene vaara vanli wala vararu? Alopwana ooreera murima ni Athiyana ooreera murima, ootikinihiwa voomalela! Exeeni yiihale? Mwixuttiho woowootha, vekeekhai, ohaalipelela Apwiya.

<sup>285</sup> "Ele Muluku ephitaanyaly'awe, mutthu ahimwalanihe." Kahi ele mutthu ephitaanyaly'awe; ele "Muluku" ephitaanyaly'awe! Nyuwo mwakhalana muupululo onkhuma wa Muluku, awo t'amwaar'inyu, ni etthu emosaru, awo t'awinyu, ekumi anyu yothene. Munnona? Masi ele mutthu eniphitaany'awe, khula mutthu onooowerya omwalaniha. Masi ele Muluku oniphitaany'awe, vanreerela mutthu aheererye

okwannya. “Ele Muluku eniphitaany’awe,” Owo ohimnye wira, “mutthu ahimwalanihe.” Kahi mphuki oohapaliwa vakhani wala mutthu ti mutthu mukina eniphitaany’awe, wala mulaleyi mmosa otthikenle ottuli ni nikuttha na iyaaminelo muliivuruni, aarowa waahiya wira etthu p’itthu molumwenkuni, ni Masu a Muluku apwehiweene vale. Munnona? Miyo kinihimya ele Muluku ephitaanyaly’awe.

<sup>286</sup> Vano kinrowa woohimeeryani ila. Miyo kinkhala ookasoopa saana etthu enooleel’akani. Miyo nkinthuna okhala oowali ni nyuwo. Nkinthuna okhala oowali ni nyuwo, axin’aka mapastore. Miyo nkinthuna wira yeeyo. Masi kihaana waakhula, kisuwelaka wira ela kiroovahereriwa mmatatani mwaka, nto vakhala wira. . . Nkikhanle ovarelelaka Yeela, ni nkinsuwela moota woolaleerya Yeela ni koosuwela wira efiit’ela eno. . . Oh, wulu, miyo kinimwiilikanyiha, eskritooriyu yoohuliwa, ’okhala wira va enimoorwa ela. Munnona?

<sup>287</sup> Vekeekhai ntoko yaary’aya mwaha wa *Epyo y’Enowa*, masi ehooniheriwa voomalela wira ti yoolikana. Kookhalana ipaphelo sa myaha va, sa ipaphelo sa myaha, vaavo athiyana naanaano va. . . ni hata mwa—mwa yuulupale. . . Itiyoseese kamosa-kamosa suulupale sookhalana ilatarato sa soopacerya, enowa yiipurulaka vamwettoni va muthiyana, ni vekeekhai moota eyo enrowaaya emuviraka yoowo; owo ookhalana inamuna sothene sa miyoonelo ni itthu, etthu emosa mulopwana ahaarowaawe omukwannya-no, ni enowa ela yuulupale emuvitikelenleene, ni siiso. Eyo ekeekhaii yoolikana. Ni eyo enrowa etepaka ni etepaka, ni enrowa okhala yootepa. Enowa, yeeyo ahaakhanly’awe. . . eyo khayaawerya okhalana mwiirelo w’ekhapa ery’ene enowa, masi muupuwele. . .

<sup>288</sup> Miyo kaarina nvaanelo nihiku nlo ni m. . . kahi nvaanelo, murumeyi paahi a Asempeleya de Deus ni nthamwene, iirale, “Nyuyo moovonya, mwa Yeeyo.”

    Miyo khwira, “Ahe, miyo pooti ovonya. Kaatthuna wira nyuwo mukilele.”

<sup>289</sup> Owo khwira nto, khukelela ohoolo khupacerya ohimya yeeyo. Naanaanoru, owo khurimeela mmansawe. Nto etthu emosa owo aahimaly’awe, owo iirale, “Munna Branham, muxovo owo ori vayi? Muluku ohimnye wira ‘mmosa wa muxovo aya.’ Vano ori vayi muxovo ene yoowo muhimmy’anyu wira waari eriyari ya mutthu ni enama, siyensiya ohinwery’awe ophwanya vano? Ori vayi yoowo?” Khwira, “Owo ori mulaponi? Yaari elumpa?”

<sup>290</sup> “Nnari, okhala wira ephome y’elumpa khentakanxeya ni ya muthiyana, hata mwaamunama mukina khenrowa otakanxeya n’uwo. Nnari, khenrowa, nnakhala ekhasa ya mulopwana khentakanxeya ni mwa—mwaamunama oothiyana. Khentakanxeya.”

291 “Vano ori vayi mwaamunama ene yoowo? Vano, Muluku iirale, ‘Sothene sikumiheryeke ntoko muxovo aya.’”

292 Miyo khulipelela minuutu mmosa paahi. Vano esivelo ya Eroho Yowarya khwira, “Munleele, ‘Ela eri va.’”

Vano, voopacerya miyo khwira, “Ahe, siiso ekhanleene yoovirikana.”

Owo khwira, “Masi, Munna Branham, eyo, hiyo ninlavula mwaha wa Masu, kahi siiso?”

293 Miyo khwira, “Ayo, mulopwana.” Nto miyo khwira, “Awo, vekeekhai, anihimya wira itthu sikina, ntoko atinosauro ni—ni mamute, ni sikina, amamute, amamute, kiireke, awo khakhanletho, ni sikina.” Miyo khwira, “Vaamuweryaneya okhala yeeyo.”

294 Owo khwira, “Munna Branham, hiyo ninlavula eyooniheryo ya Masu. Vakhala wira etampi eri va, nto, etampi y’ephattu, owo waahaana okhala va nave.”

295 Nto miyo khwira, “Pwiya Yesu, Nyuwo moohimya, ‘Muhivelavele etthu enrowaanyu ohimya mwakhala ohoolo w’atthu, okhala wira munoovahiwa okathi yoowo.’ Pwiya, kinrowa ohimya exeeni?” Awo khwira, “Munleele, ‘Ela eri va.’” Siiso ntoko sinoon’aka soowoona vaplataforma.

296 Miyo khwira, “Ela eri va,” kihisuwelaka vayi.

Owo khwira, “Vayi?”

Nto kihinatthi hata wuupuwela, Owo khwira, “Ti enowa.”

297 Vekeekhai yaari yeeyo, maana eyo kahiyo-tho mwaamunama. Owo orootakhalihwiwa khuheleliwa veerukuluni vawe mahiku awe othene. Owo ori va. Eyo ekeekhai? [Muthukumano oniira, “Amen.”—Mol.] Nave nlelo etthu ile iiraly’awe, nlelo yookhala etampi yeeyo enivara muteko mwa muthiyana, ntoko etthu yoolopwana siiso. Ti vaavo muthiyana onoon’awe itthu sooviheryaxa ni itthu siiso, okathi onikhalan’awe miyoonelo sawe ovikana etthu khula mulopwana aakhanly’awe wiiraka.

298 Kinimalela vaava ’okhala wira niri vamuttitthini vootakanxeya. Kinimwaakuxa alopwana kamosa-kamosa, kino...ninoorowa olavula vanci-ene yeeyo. Kookhalana ipaphelo sothene sa myaha n’itthu sipwehiwe vaava va, mmatatani mwaka naanaano va, ni kaarowa wooruuhelani voosis’ula. Kaarowa okuxa nihiku nothene mwa yeela, masi kinoomaliha naanaano kihimiyaka ela.

299 Ela ti ya ekerej’aka paahi. Kahi ekerej’aka...Nikoto naamukhaani ninikaamini ni ninikitthara, ela ti yawaya.

300 Nihiku nlo, nisuwelaka wira miyo koohimeeryani etthu p’itthu, ehaana orwa SIISO ANIHIMYA T’APWIYA, nto kaahikhalana Soolempwa ntoko Awo yaakupululenly’aya. Masi, “Pwiya Muluku, kihimeerye exeeni muthukuman’ole?”



Kinookhalana ovalaanyana. Alopwana anookilaathi mpithela ni muniyateni, mapuro othene makina, 'Kihaana waahiya?' Athiyana, 'Kihaana waahiya aiy'aka?' 'Kiire exeeni?'" Miyo khwira, "Pwiya, kinrowa wira exeeni?"

<sup>301</sup> Etthu emosa khukiirela, "Nwele omwaako iwe, nto Miyo kinoolavula ni nyuwo."

<sup>302</sup> Nto kiry'ene vamwaako, kihisuwelaka wira ohitto oTucson yaanoona Yeeyo. Masi hata mapurusooore yaahiwiwana anamwane mu. . . mwaaruusi aka n'akina, musaala, nto khwira, "Nkawehani vamwaako vale! Nookhala Neeku nooverunya na mukhalelo wa mooro niwelaka osulu nikhuruwaka, niwelaka osulu nikhuruwaka." Avuwihwe Muluku.

<sup>303</sup> Muhano Evans, muri vaava? Ronnie, muri vaava? Miyo khukhuruwa khuvira vastasawu, mmirav'ola vastasawu va kasolina, vastasawu va kasolina wa Evans iwe. Ni kihinatthi osuwela etthu mmirav'owo aarowaawe ohimya, owo aahikitutuxa, owo khwira, "Munna Branham, nyuwo mwaari omwaako iwe, khamwaari-wo?"

<sup>304</sup> Miyo khwira, "Munihimya exeeni nyuwo, Ronnie? Nnari," moone, wira koone etthu aarowaawe wira. Imaara sinci-ene itthu sinnikhumelela, miyo nki, khamunaaleela atthu. Enikhala. . . Etthu ene okhala wira, sinimooneya itthu sinci-ene okhumelela, khunakhala yoolimaleleya wa nyuwo. Munnona? Miyo nkinaaleela atthu tu. Miyo khwira, "Ronnie, exeeni nyuwo mwaary'anyu. . ."

<sup>305</sup> Owo khwira, "Miyo kinoowerya owoonihani oratteene nipuro nene mwaary'anyu." Khwira, "Miyo kaahiwiwana amaama, hiyo khukhala va khuweha Neeku nle niithomeiyeene iwe, niwelaka nikhuruwaka. Miyo khwira, 'Ohaana okhala Munna Branham okilante iwe nipuro nlo. Ole Muluku onlavula ni yoowo.'"

<sup>306</sup> Nto muttethe wothene, atthu, yaahoonaa Yeeyo. Nihiku noowaarya noohikhala hata meeku hata nipuro nnakhala, ni Neeku nla nuulupale nooverunya niithomeiyeene vale; nikhuruwaka ntoko efunttuli, nitthikaka niimwaryaka.

<sup>307</sup> Apatthani, vano nto kinoomaliha, nyuwo pooti orowa okhuma vaava. Ele waari okathi kuupululeliwaaka Yeeyo miyo, etthu enrowaaka wooleelani naanaano va, vano muhialele Yeeyo.

<sup>308</sup> Vano kinlavula n'ale annitthara paahi, ale anikitthara miyo ni Mutthak'ola paahi, kahi ale a ota. Mukikhalele onamoona wa yeela vamaithoni va Muluku. Wa nikhuru nenla paahi!

<sup>309</sup> Vano hiyo nimphwanyaneya mw'evitikavitika ela mwaha wa teyoloxiia oohitaphuleliwa oratteene. Eyo ekeekhai? Mwaha wa yeeyo nyuwo athiyana mutheliw'anyu vanenli, ni nyuwo

alopwana, mwaha wa teyoloxiia oohitaphuleliwa oratteene. Vano kintthuna kiwooniheni etthu emosa Owo aakilenly'awe.

<sup>310</sup> Nto vakhala wira Muluku, Mpattux'ahu, aahikohiwa mwaha ene okathi Owo aary'awe va elapo ya vathi, Yesu Kristu; ni okathi profeta Awe nvuluxa aakhumelenly'awe, Moise, wEjitu, wira aakumihe aana we—wEjitu, wira aakelihe muttethe wa natiri; ni Yesu oohimya va wira Moise aahiwoona atthu mmukhaleloni yoola, nto owo khwaavaha epaphelo y'omwalana, okhala wira mukhalelo waari ule waakhanle. Moise aaphwanye yoowo, ntoko, "Owo atthuniherye..." Muluku aahimutthuniherya Moise, profeta ole aaveleliheriwe atthu, wira aavahe epaphelo ela y'omwalana.

<sup>311</sup> Ni mw'aKorinto Oopacerya, ka—kapiitulu 7, versiikulu 12 ni 15, profeta a Waataana Wa Naanaano, Paulo, yoowo aaphwanye etthu emosaru mukereja, khuhimya ela, "Ola ti miyo, kahi Apwiya." Ekeekhai? Mwaha wa mukhalelo w'omwalana.

<sup>312</sup> "Wopaceryani khayaari siiso." Masi Moise aahitthuniheriwa, ni Muluku aahikupalela okhala exariya. Ni Paulo aahikhalana ehaakhi nave, vaaphwanyaly'awe ekerej'awe ni mukhalelo yoowo.

<sup>313</sup> Vano mwaamini wira Ela ekeekhai, ni mwaamini wira Ela enkhuma wa Muluku! Ni ni mulipiheryo wa Neeku Nawe ni Mutthaka Awe okiruu hale mpakha va, khivaatthuneya Muluku vasulu vamwaako okitthuniherya wira etthu emosaru, wootthuniheryani okelela ohoolo siiso mury'anyu, ni ohiira-tho! Muroweke n'axaar'inyu mukhaleke ni murettele, okhala wira okathi ohooxa. Orwa w'Apwiya ori vakhiviru. Hiyo khanirina okathi w'otokosa itthu iya. Muheererye-tho wira yeeyo! Miyo kinihimeerya muthukumano aka paahi. Masi vakhala wira moothela... Ni Muluku ookilipiherya yeeyo, vamwaako, wira kaamuwerya ohimya Yeela, muupululo w'emuluku, mwaha w'otaphuliwa wa Ikanyeryo Thanu na piili, ni ela ti yookoha muhina mwa Masu a Muluku. "Mwaatthuniherye okelela ohoolo ntoko siry'aya, nto ehittheke-tho!"

<sup>314</sup> "Wopaceryani khayaari siiso." Ti yeeyo, khayaari siiso, ni khenrowa okhala wookiseryani. Masi vathi va mikhalelo sa vano, ntoko murumeyi a Muluku... Miyo nkiniisiihana profeta; masi kookupali wira khino, vakhala wira nkirummwe mwaha wa yeeyo, miyo kinikhalaha mulipiheryo wa okathi owo onrw'awe. Vano mwaha wa mikhalelo sa vano, miyo kinnoorumani orowa owanny'inyu, n'amwaar'inyu vano. Mwaakhalaka ooteeliwa murima ni yaawo, mukhaleke ni yaawo, mwaalele an'inyu ni miruku sa Muluku. Masi Muluku oomoreleni ikharari mwakhalakhala mwiiraka-tho yeeyo! Nwiixuttihe an'inyu wira ehikhalakhale yiraka etthu siiso, mwaalele ni miruku sa Muluku. Nto vano siry'anyu ntoko siry'anyu, nrowe vano, okathi w'oxeleliwa wa makaaripi onkhal'ahu, ni "niilipihe wira

niphiye omukaanoni wa otthuveliwa wa wiihana wuulupale mwa Kristu,” weiwo itthu sothene sinrowaaya oweryaneyaya.

315 Mpakha owoonani olelo ohiyu, Apwiya Muluku yooreeriheni, okathi onvekel’ahu.

316 Pwiya Muluku, hiyo ninnooxukhuruni. Hiyo ninnoottotopelani. Nyuwo mwa Yehova mmosaru muulupale aamutthunihenrye Moise. Moise, murumeyi ule, nto owo aarowa waaleela exeeni atthu awe? Ni, Muluku, Nyuwo mwaahimutthuniherya waavaha epaphelo y’omwalana. Paulo, murummwa muulupale yoowo aari mulipa-oolepa Waataana Wa Naanaano, ntoko Moise aary’awe a wa Khalayi. Moise aahilepa Ikano ni okathi wa ikano. Ancie-ene wa maprofeta, moolumo aya yaahikelihwi mwa Yeela, masi Moise aahilepa Ikano. Ni Nyuwo mwaahimuttuniherya epaphelo, waalepela epaphelo y’omwalana, mwaha w’olipa waya murima.

317 Paulo Oowaarya muulupale, ory’ene mulipa-oolepa Waataana Wa Naanaano, aahiweriya ohimya nuulumo nenlo, wira, “Miyo kinihimya mwaha wa mikhalelo iya; miyo, kahi Apwiya.”

318 Siiso t’ery’aya olelo, Pwiya Muluku, woomalelani w’olumwenku, ntoko siry’ahu va vathi w’omoreliwa ikharari ni Muluku, nisuwelaka wira vahilekenle nihaana waakhula Ohoolo Wawe. Ni wira Nyuwo khamunreereke wira itthu, Pwiya, kookupali, vamaithoni v’atthu ala, awo anoovarelela Yeela ntoko Eyo enikhuma wa Nyuwo. Nto wira ekhalele onamoona va olelo, w’atthu anci-ene akilantho va yoonale Ethoonero ele vasulu vamwaako, weiwo Malaikha a Apwiya yaaruuly’aya muyuupuruni, weiwo yaaruuly’aya mwa Malaikha mathanu na manli, weiwo wuupululiwa wa Isiiri Thanu na piili sitaphuliw’aya; ni Nlaikha nimosaru nenlo, epantte emosaru, vamwaako vamosaru, nihiku Ela yuupululiwaaya!

319 Muluku, miyo kinvekela wira atthu erowe owaani ary’ene ooxukhuru wira Muluku ohaavaherya mahala. Ni miyo kinihimya Ela paahi, Pwiya, mwaha w’okitthuniherya. Ni kinihimya Ela paahi mwaha w’okitthuniherya, Pwiya. Nto atthu ekhale ooxukhuru saana wira aheererye wira-tho etampi iyo! Ni awo ehikhalakhale ephavelaka wira hata etampi, masi woophentani Nyuwo ni murima wothene. Pwiya, muhakalalihe itthoko iya, ni wira ewunnuwihe ni yaalele an’aya ni miruku sa Muluku.

320 Maana, Mutthak’aka waari vamurimani vaka woovahereriwa, Pwiya. Kihira sothene kinsuwel’aka wira. Nto Satana oowana ni miyo isumana sene, ni iwoora kihirumpe. Masi vano miyo kinaaruma Ela, Pwiya, atthu ala, wira esome Yeela, ni erowe ekhaleke mwaha wa Nyuwo. Munivahe, Pwiya. Yookhuma mmakhatani mwaka vano. Awo ari mmatatani mw’Anyu. Kinvekela wira Nyuwo mwaareerihe.

<sup>321</sup> Mureerihe maleeso ala, Pwiya, amanle opwehiwa va, mwaha w'aretta n'ale ooriipiwa murima. Ohiy'ula okhale omosa wa ohiyu wuulupalexa ni wa owerya, atthu othene anrowaaya ovonihiwa. Munivahe, Pwiya. Munireerihe vamosa.

<sup>322</sup> Nirowe ni murettele, oohakalala, nitthapaka, okhala wira Muluku a soopattuxiwa ooononiha "okhuma wopaceryani," ni ooononiherya-tho, mw'evitikavitika ory'ahu-mo, mahala Awe, mahiku ala ookiserya. O Muluku muulupale ni Oohimala, moota onooxukhuru-ahuni Nyuwo mwaha wa yeeyo! Ni murim'ahu okhale woohakalalexa, ohinrowaahu-tho otthuna wira etampi nootthekelakani Nyuwo. Mwa Nsina na Yesu. Amen.

Miyo kinnimpenta, (Xeeni mwahaarow'anyu  
omphenta?) Kinnimpenta Yoowo  
Okhala wira Owo t'opacetre okiphenta miyo  
Nto oothuma woopowa waka  
oKalvario . . .

<sup>323</sup> Miyo kinihimya ela vano wira arumeyi yiiwe saana. Ela ti yawaya paahi ale antthara Mutthak'ola!

<sup>324</sup> Oh, mootteeliwa murima? [Muthukumano oniira, "Amen."—Mol.] Miyo koolenleni Ekeekhaii, SIISO ANIHIMYA T'APWIYA, wopaceryani mpakha wokiseryani! ["Amen!"]

<sup>325</sup> Vano nrowe nivenye ni nivenxe matata, okathi oniip'ahu-tho, "Miyo kinnimpenta Yoowo." Miyo kinnimpenta Yoowo mwaha wa mahala Awe. Kinnimpenta Yoowo mwaha w'omoriwa Wawe ikharari. Kinnimpenta mwaha wa Masu Awe. "Ni Masu a Apwiya jaarwenle maprofeta!"

Miyo . . .

<sup>326</sup> Murwe, munna. Mukelele ohoolo.



*OTHELANA NI OMWALANA* EMK65-0221M  
(Marriage And Divorce)

Mutthak'ola wa Munna William Marrion Branham, opaceryawene olaleeriwe ni Enkelesi Ettiminku vaasiisu, mahiku yeettaka 21 mweri wa Fevereiro, 1965, Oxikola Sekuntaariya w'Amiravo oJeffersonville, Indiana, wAmerika, okuxiwe wo okaravariwa mufitani ya makineti khulempwa wothene ni nttaava n'Enkelesi. Otaphuleliwa nno mw'Emakhuwani okhumiheriwe ni okaiwe ni Voice Of God Recordings.

EMAKHUWA

©2020 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Olopolo mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitemihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyiwe musurukhu vahikhanle n'utthuniheriwa woolempwa ni Voice Of God Recordings®.

Mwaaphavelaka wiiwa-tho wala ikaruma sikina sikhanelle, xontte mulavule ni:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)